

Veredicto caso Zinnia



Pagina 3

'Boluntario di curason ta dificil pa haya'



Pagina 4

'Control di emergencia di ENNLA no ta aplicabel pa Aruba'



Pagina 30

Venezolanonan a celebra Dia di Independencia



Pagina 16

Editorial

Caso Serlimar posponi
Pero no soluciona...

Pagina 5

WORLD FOOTBALL CHAMPIONSHIP

June 11 - July 13, 2018

WIN A 75" TV
AND A SHARE OF \$12,000 IN FREE SLOT PLAY!



Catch Football Fever with 9 Drawings every Friday with 3 Winners at 9, 10 and 11pm

Receive one entry for every 25 Football Points or 4 Table Credits.

Alhambra
CASINO AND SHOPS

Open daily 10am to 4am • J.E. Irausquin Blvd #47 • 583.5000 • casinoalhambra.com

Trahadonan di Serlimar desapunta

Reunion publico cancela ora a dicidi di pospone cobramento di tarifa te januari



ORANJESTAD - Cobramento di e tarifa pa Serlimar ta keda posponi pa januari 2019 y e reunion publico di parlamento riba e topico aki a keda cancela. Sindicato SEPPA a presenta pa e reunion, pero a manda trahadonan cas ora a cancela esaki.

Despues cu fraccion di MEP a pidi un reunion publico cu minister di infraestructura y medio ambiente, Otmar Oduber (POR), mirando cu tensionnan tabata halto den comunidad pa introduci un tarifa di Serlimar socialisa, e propio fraccion a cancela esaki mirando cu conseho di minister a dicidi di pospone

introduccion di e tarifa aki te cu januari 2019.

Fondonan

Prome minister, Evelyn Wever-Croes (MEP) a anuncia esaki y cu lo tin un fase transitorio mirando cu lo a introduci esaki pa 1 di juli 2018. E sugerencia aki a bin como primicia di parti di Bon Dia, mirando cu den ley no ta para cu Serlimar ta un monopolio riba nos isla pa loke ta trata recogemento di sushi, cual a conduci e minister encarga pa expresa cu tur hende, no obstante si nan tin un servicio di por ehempel EcoTech, mester paga pa e tarifa di Serlimar.

Sinembargo ora Bon Dia a muestra e minister e echo aki, sr. Oduber a considera di tuma un conseho huridico nobo mirando cu no lo a duna suficiente chens na clientenan di otro compania pa percura pa nan pasa pa e otro servicio y ricibi exoneracion di paga pa tarifa di Serlimar.

Trahadonan di Serlimar a presenta masalmente na parlamento pa asina por a atende e reunion publico mustRANDO asina nan malcontento cu e situacion na Serlimar, y ora e reunion a keda cancela trahadonan a expresa na par di parlamentario di fraccion di MEP cu e 5.4 miyon cu minister Oduber a pidi parlamento 'no ta suficiente'.

Na banda di e fraccion, e punto di e reunion tabata pa asina responsabilisa e minister mirando cu a pidi e 5 miyon extra aki y a haya aprobacion di parlamento mientras alabes a introduci e tarifa socialisa di Serlimar.

Trahadonan kier a tende berdad na reunion

Sindicato SEPPA a expresa prome cu a cancela e reunion cu trahadonan tabatin hopi incertidumbre, specialmente

e manera con ta tende 'cosnan aki aya' cu ta pone nan duda di nan posicion, pues nan a dicidi di atende e reunion pa haya un claridad riba nan preocupacionnan.

Den combersacion cu par di trahado nos a bin ta comprende cu trahadonan si Serlimar tambe ta preocupa pa otro companianan cuminsa haya mas poder den mercado mirando cu nan lo tin plannan grandi pa tuma esaki over, di loke nos a tende di un trahado.

Den augustus lo reporta bek na parlamento

Lider di fraccion di MEP, Rocco Tjon durante un conferencia a splica cu e rason pa kico su persona a yama e reunion ta pa trece claridad riba e discrepancia entre cobra tarifa di Serlimar mientras ya a aloca fondonan adicional ariba presupuesto pa e compania aki.

"Den un carta cu nos a ricibi prome cu e reunion aki lo mester a tuma luga, prome minister a splica cu ademas den augustus gobierno lo bin parlamento pa duna un update riba e placa cu parlamento a aproba y con esaki a

wordo aloca y si tin mester di recurso adicional. Nan lo bay presenta na parlamento alabes e manera cu lo bay cobra e tarifa den 2019."

Den concepto di e fraccion no tin mester di un reunion publico mas, mirando cu tin claridad awo riba kico lo bay pasa. Reaccionando na loke trahadonan di Serlimar a expresa pa loke ta trata nan preocupacionnan, sr. Tjon a declara cu no tabata ningun momento e intencion di bay trata esaki durante e reunion aki.

"Trahadonan a presenta awe pasobra nan lo a tende cu fraccion di MEP lo a bin cu un mocion pa asina haci un cambio den e ley pa faborece otro companianan di procesamiento di sushi, te hasta asina leu cu tabatin trahadonan cu a bisa coleganan di fraccion cu nan no sa dicon nan t'aki."

E lider di fraccion a comenta finalmente cu esey no lo tabata e intencion di e reunion publico y a pidi e mandatario encarga pa dialoga cu sindicato y a duna di conoce cu parlamento ta invita trahadonan.

Medidanan contra trahadonan di Warda Nos Costa encuanto expulsion di menor

ORANJESTAD - "Ful e situacion relaciona cu nos pais ruman Venezuela ta trece un atencion internacionalmente di UNHCR, pa e tema di expulsion y refugiado, pues como pais bo tin obligacion pa observa proceso debido y den e dimension aki e manera cu un apoderado di minister a dicidi di actua sin consulta, no a cay den bon tera."

Tabatin diferente indicacion durante siman, despues cu

mandatario encarga cu husticia, Andin Bikker (POR) a dicidi di suspende hefe di Warda Nos Costa Elio Blijden, ora el a dicidi di deporta un mucha di 15 aña sin a consulta cu e minister, cu tabatin versionnan contradictorio di e storia cu a keda presenta na e minister. Te hasta a circula un informacion cu a bisa cu e mucha aki no lo ta un refugiado, cual sr. Bikker a anuncia tabata un di e rasonnan dicon a dicidi di tuma un medida fuerte di manera repentino.

Colega di prensa di portal 24ora a puntra e mandatario si lo a haci investigacion di diferente banda pa haya sa si e informacion cu a haya di Cruz Cora ta cuadra cu realidad, na cual e mandatario a contesta bisando cu ademas di a tende e version di parti di Cruz Cora a base di un combersacion den persona y no solamente den un carta, desde cu esaki a pasa tabatin diferente medida tuma contra trahadonan di Warda Nos Costa encuanto e situacion

cu a surgi.

Sr. Bikker a splica cu mirando e situacion tenso cu tin entre e paisnan actualmente, specialmente ora wak e atencion cu e tema di refugiado tin rond mundo, un percepcion lo a nace cu Aruba no ta atendiendo cu tratadonan internacional y aspectonan humanitario ora ta trata di expulsion. "Y tin biaha percepcion ta bira realidad pues ta algo hopi delicado."

Mas cu esaki e minister a ne-

nga di comenta y a splica cu si personanan no ta di acuerdo cu algo, por bay corte. Ombudsman di Corsou y tambe consul di Venezuela na Aruba, a expresa opinionnan den dimension di asilo y den caso di e consul particularmente riba e caso individual aki.



NEW ALHAMBRA CLUB MEMBERS CAN WIN UP TO \$1,000 IN FREE SLOT PLAY!



Win from \$10 to \$1,000 in Free Slot Play the day you join.

GUARANTEED.

Haven't played at Alhambra in 18 months?

You are eligible for the New Member offer! Stop by the Players' Club for details.



Open daily 10am to 4am
J.E. Irausquin Blvd #47
583.5000 • casinoalhambra.com

Veredicto den caso di Zinnia

ORANJESTAD - Dia-huebs mainta hues a declara cu Jadira Vriend ta culpabel y e ta haya un sentencia di 240 ora di trabou comunitario y ta kita su rijbewijs pa 2 aña. Pa via di foutnan cu a wordo haci, no por castige pa core auto bebi.

Michella Croes-Matos (mama di Zinnia) a splica cu e tabata prepara caba pa tur locual cu bin entre otro cu e decision cu hues a tuma. Pa nan como mayornan tabata importante pa Zinnia haya su 'fair chance' dilanti un hues.

"Locual cu a duna mi un satisfaccion super grandi ta caminda cu hues ta bisa cu e ta haci Jadira culpabel di e caso aki pero mirando cu el a tarda asina hopi y foutnan cu a wordo haci, e no por castiga sra. Vriend pa e bebemento e dia ey.

E mama di Zinnia ta sigui bisa cu e sa cu sra. Vriend e dia ey tabata su fout. Algo cu lo keda marca den su consenshi y cu e tin cu biba cu ne e resto di su vida. "Mi ta haya jammer cu sra. Vriend no ta-

bata presente pa tuma su sentencia como un hende muhe fuerte para den su zapato."

Sra. Croes a ta reconoce cu Zinnia no ta bin bek. Cu nan ta hopi consciente di esey, pero si nan como mayornan kier a 'make clear' cu Zinnia no tin e culpa den e caso aki y esey hues a duna rason. "Esey ta algo cu ami como mama por biba cu ne sigur."

E mama di Zinnia ta aclara cu cada ken cu su consenshi, e ta kere cu e polis nan cu a traha e dia ey 'sa cu nan a haci un super mal trabou y cu tur cos nos ta laga den man di Dios'.

Final pa e caso di Zinnia?

"E ta algo cu nos tin cu bay sinta cu ne na abogado", mama di Zinnia a bisa. Nan lo bay wak kico ta e opcionnan, paso nan ta kere cu niun famia mester pasa den locual cu nan a pasa aden, y no mester warda 'e tempo cu nan a warda'.

"Tempo pasa nan a pasa un supuesto 'Ley Zinnia', caminda cu e persona ta wordo deteni mesora y si sra. Vriend lo a keda deteni e tempo ey, e

ora e caso di Zinnia lo a bin dilanti hopi dia caba, paso mi no ta kere cu sra. Vriend lo a keda cera 3 aña y 3 luna. Mirando cu e tempo a keda asina largo, awe nos ta sinta cu nada por a wordo haci mas den e caso", sra. Croes a remarca.

Gilbert Croes (tata di Zinnia) ta bisa cu su pensamiento ta cu e castigo cu mester a dicta ta prizon. "E mal trabou di KPA a prevalece. Pa motibo di nan mal investigacion y nan mal trabou, na mi concepto, deliberadamente nan a haci esaki pa nan colega no haya ningun castigo di prizon."

Segun e tata 'e ta haya si e ta un falta di respet pa no presenta dilanti hues'. Un Familiar di Zinnia cu tambe ta presente a remarca cu 'e hues mas grandi ta esun den shelo', anto e ta esun cu ta dicidi na final. "Si e caso aki lo a pasa cu e polis, e lo tabata un situacion diferente, autoridadnan lo haci tur cos manera mester ta."

Abogado Chris Lejuez no kier a duna ningun comentario, pa motibo cu e caso ta di un mucha menor di edad



Premier: 'Situacion di ciere frontera no ta business as usual ainda'

ORANJESTAD - Prome Wever-Croes a expresa e nos pais y Venezuela. Te hasta su mesun laso fa-



miliar cu e pais bisiña aki durante a ceremonia protocolario cu a tuma lugar riba plasa Simon Bolivar den cuadro di dia di independencia di Venezuela.

Aunke e relacion bilateral ta bon, despues di e embargo cu e gobierno di Venezuela a impone riba nos pais, ainda tin puntonan pendiente cu nan mester atende debidamente.

Nos no por bisa cu ainda e pagina aki a bira full caba. E situacion no ta 'business as usual' ainda, segun e mandatario. El a declara na Bon Dia Aruba cu ainda tin algun detaye cu mester wordo canalisa y regla. Sin embargo un dia manera 5 di juli cu ta marca un dia festivo di e pueblo di Venezuela cu ta pasando momentonan dificil, gobierno di Aruba ta convivi cu e pueblo aki.

E mandatario a bisa cu e relacion entre ambos pais ta asina cerca cu lasonan familiar, economico, cultural, etc., cu nan a dicidi di comparti e celebracion cu e pueblo Venezolano. Pero tambe gobierno di Aruba su deseo ta pa sigui

traha den e normalisacion di e relacionnan riba tur tereno cu Venezuela. "Esaki ta e motibo di mi presencia aki awe", e di.

Den gobierno di Aruba, e prome mandatario a gradici e miembronan di e comunidad Venezolano cu a laga nan hogar y nan famia pa bin establece nan mes na Aruba, y yuda nos desaroya nos economia.

"E no ta facil ora cu bo ta laga tur cos atras y bin akinan", el a bisa. E mandatario a expresa cu danki na tur ayudo cu Aruba a haya di hopi hende di afo, nos pais ta unda e ta awe.

Durante su discurso, premier Wever-Croes a sigui expresa cu nos pais ta pasando den retonan hopi grandi. Aunke den pasado nos a yega di confronta retonan grandi caba. E tin tur confianza cu nos pueblo uni lo confronta nan y surpasa nan un biaha mas. "Si, nos den union cu e perseverancia y determinacion cu semper nos a demostra", el a bisa.

Consul di Venezuela, Carlos Mata Figueroa:

‘Proyectonan bon ta na caminda cu lo yuda economia di Aruba’



ORANJESTAD – Ayera e consul nobo di Venezuela, Carlos Mata Figueroa a haci su prome presentacion publico na Aruba. Esaki a sosode un luna despues cu el a establece su mes como diplomatico di su pais riba nos isla. El a haci esaki den cuadro di conmemoracion di e 207 aniversario di indepen-

dencia di Venezuela.

Den su prome entrevista pa un medio local, sr. Mata Figueroa a declara na Bon Dia Aruba cu e acto protocolario cu nan a realiza riba plasa Simon Bolívar ta parti di e celebracion cu a tuma luga den henter Venezuela ayera. E fecha historico di 5 di juli di 1811 ta wordo re-

corda, ya cu e dia ey un grupo di diputado a firma e acta di independencia.

El a probecha di e ocasion aki pa manda un mensahe pa tur Venezolano cu ta biba den e bunita pais di Aruba. Den cuadro di dia di nan independencia, e diplomatico a laga sa cu yen di alegria, cu e tin solamente palabranan di gradici-

mento pa Aruba. Encuanto e impasse bilateral cu a surgi tocante e embargo aereo y maritimo di Venezuela riba nos pais, e diplomatico a bisa cu actualmente e relacion di fraternidad ta solido.

E diplomatico a laga sa cu e relacion bilateral aki lo bira mas miho ainda, ya cu bon noticia y proyectonan positivo ta na caminda cu lo tin su influencia riba nos economia. Pero el a prefera di abstene di duna mas detaye riba e proyectonan aki, ya cu ainda e no tin autorizacion pa papia riba nan. Pero si el a laga sa cu nan ta ‘bon noticia di masha interes pa Aruba’. Nan ta proyectonan di interes comun pa ambos pueblo, e di.

Tambe el a expresa cu e ta masha contento di por comparti cu e pueblo di Aruba cu tambe tin un libertador y cu tin su propio historia. “Tambe Aruba tin nan custumber cu tambe nos mester respeta. Nos ta sinti nos mes orguyoso di por comparti cu boso”, e consul a bisa.

Sr. Mata Figueroa a bisa cu den e luna cu e tin na Aruba,

tur cos ta bayendo bon pe. E ta haya cu Aruba ta brinda tur oportunidad pa nan hiba un bida trankilo akinan. “Mi tin un luna caba na Aruba y tur cos ta bay bon.” El a agrega cu autoridadnan di Aruba y su gobierno ta hendenan increibel den nan trato y maneho. Mi a haya un bon receptividad, danki na e comunidad di Aruba y nos pueblo estableci na Aruba.”

Encuanto su fam, esta Mata Figueroa y su eventual vinculo familiar cu nos isla, e diplomatico a bisa cu e no sa si esaki ta berdad. Pero nan fam ta uno cu a wordo plama den tur parti. Pero si el a bisa cu su mama di fam Figueroa ta di Corsou, y su tata ta Mata di Venezuela.



‘Boluntario di curason ta dificil pa haya’

ORANJESTAD – Bon Dia Aruba a bay Mary Joan Foundation pa asina e fundacion por splica nos tocante con e fundacion a lanta, sin hopi boluntario y problemanan social cu pashent cu cancer ta enfrenta.

Mary Joan Cynara Geerman-Kock a wordo invita na aña 2000 na Woman’s Club of Aruba. E aña ey a wordo papia tocante cancer na pecho pa prome biaha, tambe kico bo ta experencia di tin cancer na pecho.

Jose Tromp, directiva di

Mary Joan ta splica cu despues di dos aña di e seminario, Mary Joan a fayece den avion biniendo Aruba bek. Segun sr. Tromp henter e trayectoria di cuida di cancer, ‘Mary Joan tabata un persona hopi fuerte’, semper positivo y tabata yuda otro hendenan.

Sr. Tromp ta remarca cu e motto di Mary Joan tabata ‘no ta importa kico bo ta pasando aden, nunca bo no mester enfrenta cancer di pecho bo so’. Esaki tambe ta e mesun motto cu e fundacion ta sigui uza. Pa motibo di e seminario a lanta varios pregunta. Pa motibo di esey a dicidi di lanta

un fundacion cu nomber di Mary Joan, paso e tabata un ehempel y pa continua.

“E fundacion mes a wordo lanta na aña 2007 y ta duna sosten na tur esunnan cu ta sufri di cancer di pecho, esunnan cu a sobrevivi e malesa, nan famia y amistadnan. Ta ofrece sosten, forsa y ta brinda calor necesario cu por yuda surpasa e periodo dificil den e bida di un pashent cu cancer”, sr. Tromp ta splica.

“Awendia pa tin un fundacion no ta facil. E ta rekeri hopi trabou, tur ta boluntario cu excepcion di e secretaria. No ta facil pero nos ta sigui lucha. Tin basta hende ta bisa cu atrobe e fundacion ta para banda di caminda pa pidi placa, pero si nos no haci esaki, nos no por sigui cu e trabou. Nos ta haya subsidio di gobierno, pero nos ta e fundacion cu ta haya e minimo. Pa awo nos no tin mas tampoco, nos unico entrada ta di pueblo.”

No ta e fundacion aki so, pero tur fundacion di Aruba tin e mesun dolor di caba.



“Tin fundacion cu ta inverti placa den boluntario, asina nan por compromete mas den nan. Mayoria di nos boluntarionan ta bolunta paso nan tin famia cu ta malo, of nan mes a pasa den dje.”

Sr. Tromp a sigui splica cu aki na Aruba no tin personanan specialisa den ayudo psicologicamente. Tin trahado social, pero nan no ta specialisa den asunto den ayudo di cancer. El a remarca cu lo ta hopi bon si lo bin un psicologo den futuro. “Esaki lo ta un paso grandi pa e pashentnan.”

Bon Dia Aruba lo sigui con-

tinua tocante problemanan social cu tin cu personanan cu ta sufri di e malesa di cancer y con sociedad ta mira e pashentnan aki.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Cristian Soto Garcia (hefe di redaccion)
Nicola Gonzalez (redactor ehecutivo)
Esther Kiks-Martinus (redactor ehecutivo)

Redaccion

Benjamin Romero
Leo Maduro
Luis Villegas

Departamento Digital

Sharina Henriquez

Ehecutivo di Benta

Marijke Croes-Luidens
Mary Ann Oduber
Linda Reijnders

Aviso y Arte

Sandra Loefstop
Lisa Tromp
Shannon Geerman

Administracion

Mariette Engelhart
Martha Arteta de Ariza

Distribucion

Jenny Kelly

Recepcionista

Rachelle Danje

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Upload Media Aruba
Yakari Gabriel

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Caso Serlimar posponi *Però no soluciona...*

E conflicto cu tabata menasa den e gabinete di coalicion a keda apacigua, temporalmente, cu e postergacion di e fecha di vigencia di e cobranza nobo, basa riba un tarifa 'social' cu awor lo drenta na vigor dia 1 di januari 2018. Den e circunstancianan actual, un paso logico. Ningun di e partidonan den e coalicion tin tanto gana den conflicto abierto, cu apenas algo mas di mey aña sinta como gobierno. Cu e peso grandi cu nan tur mester carga, mas cu tur cos pa e otro medidanan cu a tuma recientemente, y un opinion publico no mucho na favor, ta importante pa e coalicion muestra un poco solidez den nan actuacion. Esey ta implica cu por lo menos pa bista di publico, no ta posibel pa laga otro cay abiertamente. Cu e decision aki e gabinete a duna su mes, y e respectivo fraccionnan den parlamento, un espacio pa hala rosea.

Y cu esey tur nubia scur a desaparece? Nos no ta kere esey y tin motibo pa pensa esaki. Un di e aspectonan principal di henter e asunto ta cu tin dos liña cora ta core den esaki: e debate entre e fraccionnan encuanto e aspecto di cubrimiento di e gastonan di Serlimar pa 2018; y e debate den opinion publico si e medida ta hustifica. Den e prome caso aki ta parece cu a scoge e tema di e presupuesto, cu e afamado cinco mion y pico cu a pone extra disponible, como un tipo di 'bliksemafleider' pa kita atencion di e aspectonan mas importante, cu ta obheto di discusion publico tumando luga actualmente, unda e aspecto di presupuesto di e politiconan no ta di ningun importancia. Loke si ta resalta ta e pregunta si e medida pa yega na un sistema di pago basa riba entrada, manera conoci na Servicio di Impuesto, ta algo corecto y husto pa haci, unda naturalmente tin un cantidad di posibel opinion. Ademas tin e pregunta grandi di e clientenan di otro compania kico ta bay sucede cu nan. Nan mester bay paga dos compania pa e mesun servicio? Segun e posicion beligerante cu e ministro en cuestion a tuma, si. Nos a comenta den anterior editorialnan ampliamente pakico nos ta pensa cu e ministro no tin un base legal pa fundamenta e maneho cu e kier hiba. E ley encuanto Serlimar no ta duna e espacio ey, ni pa establece un sistema di tarifa diferencia, ni pa e obligacion di doble pago. Bisando esey, ta surgi e pregunta, si ta posibel pa haci ambos cos, si cambia ley. Esey ta depende kico ta bin den e ley, con ta bay

atende e problemanan di principio di trato igual, e posicion di e empresanan priva cu, bon o malo, ta parti di e realidad di e sector, e involucramento di Servicio di Impuesto den cobranza di e sumanan, cu e aspecto sensitivo di proteccion di datonan personal di e ciudadano, etc.

Ta surgi otro pregunta: kico ta pasa si gobierno ta dicidi cu no mester cambia nada den ley, ta djis impone ambos asunto, tanto e tarifa diferencia, y e pago doble? Nos ta kere cu esnan cu ta bay acudi na corte, incluyendo e empresanan cu ta sinti nan mes perhudica cu e caminda cu gobierno lo scoge, sigur si e caminda cu e ministro concerni a scoge no cambia, lo tin un bon caso den corte, cu resultado bastante decepcionante pa gobierno. Den e contexto aki nos mester recorda cu den e siman aki nos a reporta cu den un entrevista cu Bon Dia Aruba, e ministro concerni no tabatin un contesta ora a puntra su opinion cu segun nos e ley (di Serlimar) no ta duna espacio pa haci loke e ta propone y el a keda di busca un opinion nobo...

Kico lo ta e proximo pasonan cu por tuma? Pa gobierno, no ta recomendabel djis warda 1 di januari yega y implementa un medida cu, si acaso e ta legalmente factibel, lo rekeri hopi preparacion pa por implementa, sigur si ta keda insisti den e tarifa social. Pa loke ta e pago doble, ta dificil pa pensa cu pa januari e casonan cu indudablemente lo bay corte, lo a duna caba un veredicto irreversible cu ta habri caminda pa gobierno implementa su maneho. Esaki suponiendo cu, aparte di e asunto di presupuesto, e otro dos partidonan den coalicion lo apoya e ministro su maneho. Pregunta cu ta surgi finalmente ta: kico si por a haci pa Serlimar pa logra un sistema solido pa cobra loke nan mester pa opera. Pasobra ban ta honesto: e discusion no ta si e empresa aki no por cobra loke nan mester pa por opera. Un di e puntonan mas importante ta cu mester resolve e problema cu Serlimar di su mes no tin un instrumento pa obliga e cliente paga. Si e stop di duna e servicio, un ciudadano, no ehemplar, por simplemente benta su desperdicio den mondi. Ta pesey a propone hopi aña caba pa cobra por ehemplo via e factura di awa o coriente. Y e tarifa 'social'? Laga gobierno contesta prome ta con nan kier haci esaki, dentro di margen di ley.

Colombia: Cada tres dia ta asesina un defensor di derecho humano

(Infobae) - Cada tres dia nan ta mata un defensor di derecho humano na Colombia, e pais cu ta na caminda pa resolve e ultimo conflicto arma di continente Americano, e Defensor di Pueblo a denuncia diaranson pasa.

E ombudsman, Carlos Alfonso Negret, a informa cu di 1 di januari 2016 pa 30 di juni di e aña aki nan a asesina 311 ciudadano Colombiano cu tabata dedica na ta lider social y defensor di derecho humano.

E mayoria di e homicidionan a sucede den areanan di cultivo of minería ilícito, manera e departamento di Cauca, cu 78 homicidio, Antioquia (43), Norte de Santander (21), Nariño (18), y Valle del Cauca y Chocó, ambos cu 16.

E entidad cu ta encarga cu boga pa derecho humano na Colombia, no a precisa ken ta esunnan responsabel pa e homicidionan. “Nos a bisa ta basta, ni un lider social mas asesina na Colombia,



pasobra loke nos mester ta paz y tranquilidad”, sr. Negret a agrega den un audio pa periodista.

E homicidio di activista ta un di e principal reclamonan di e grupo guerrillero disolvi

FARC, cu na november 2016 a firma un acuerdo di paz, cu a transforma esaki den partido politico.

E ministro di Interior, Guillermo Rivera, a sigura riba Twitter cu “den e proximo dianan” nan lo bay

convoca un comision di garantia, pa evalua medidanan di proteccion.

Segun e presidente saliente Juan Manuel Santos, desde 2016 pa maart 2018 a asesina 169 lider comunal y di derecho humano den

accionnan atribui na diferente grupo y motivacion.

Desde cu a firma acuerdo di paz, no menos di 40 ex-combatiente di FARC y famia di guerrillero a ser asesina, segun cifranan oficial.

Venezuela: Falta hopi mas cu 250 miyon dollar pa salba PDVSA

(LaPatilla/Reuters) - E Banco di Desaroyo di China lo bay inverti 250 miyon dollar den e Faha di Orinoco na Venezuela, den un esfuerzo pa evita ‘e caida di produccion di petroleo pisa na e pais aki’, segun fuentenan na Venezuela.

Pero no tin claridad si e inversion di China lo bay ta un salbabida of lo ta bay baha velocidad di su indetenibel caida. Di un banda e inversion ta masha poco pa e por ta significativa. Pero den un

amplio sentido, Venezuela a ricibi placa di China durante varios aña y esey no a trece un progreso economico.

Venezuela tabata manda varios miles di bari di petroleo pa dia pa China, durante varios aña como pago di un anterior prestamo. Pero e caida catastrofico di e produccion petrolero na Venezuela ta menasa e envianan. China ta core e peligro di no haya e pago di miles di miyon dollar, cu a presta Venezuela.

E crisis a subi na un nivel nobo den e ultimo lunanan,

e confiscacion hudicial di e activonan di Pdvsa na e islanan di Caribe pa ConocoPhillips a profundisa e problemanan di Venezuela. Nan no ta capaz di mescla crudo pisa na e islanan di Caribe, y Pdvsa a trata di hiba e operacionnan di regreso pa e pais.

Pero Venezuela ta carece di un infraestructura adecua pa exporta petroleo na nivelnan cu tabatin tempo cu Pdvsa tabatin operacion na e islanan di Caribe, pa cual e perdida aki ta significa cu no por carga

suficiente petroleo den nan tankernan. Como resultado, un cantidad importante di tanker ta permanece inactivo dilanti costa, y Pdvsa ta bao presion pa por realisa mas envio di petroleo.

Den ultimo instancia, ta significa cu Venezuela no tin petroleo suficiente pa cumpli cu tur su contractnan. E incapacidad di carga petroleo den tankero grandi di transporte desde e wafnan Venezolano ta menasa cu interumpi e envio di distancia largo pa clientenan

internacional, China inclui. E companianan petrolero di China y Rusia “probablemente ta bay comercialisa un parti importante di e exportacionnan di Pdvsa y nan ta bay opera un parti creciente di su produccion, pa trata di garantiza e regreso di nan prestamo,” Francisco Monaldi a skirbi den un informe na Atlantic Council na luna di maart. China por ofrece asistencia financiero, pero probablemente no lo bay genera un aumento di produccion. E resultado

Venezuela: Pompeo ta manda mensahe en conexion Dia di Independencia

(Infobae/CNN) - E secretario di Estado di Merca, Mike Pompeo, a manda un mensahe pa Venezuela na ocasion di e aniversario di su independencia. El a manifesta e ‘compromiso’ di Merca cu e pueblo di e pais Caribeño den buskeda di ‘libertad’.

“Na nomber di e pueblo di Merca, mi ta ofrece e pueblo di Venezuela, na aniversario di su independencia, nos

compromiso permanente cu su libertad”, e texto di Pompeo a cuminsa.

“Nos ta apoya su lucha pa construi un futuro den cual por eligi libremente su lidernan y reconstrui e economia.”

Y a sigui: “Venezuela ta den un coyuntura critico den su historia. Incluso dilanti un regimen dictatorial, ta continua cu purba bay dilanti, revitalisando e idealnan di

libertad y igualdad riba cual nan ta funda. Por ultimo, el a subraya: “Merca ta cu e pueblo di Venezuela. Nos lo bay traha cu socionan regional y internacional pa yuda alcansa e futuro pacifico, democratico y prospero cu e ta merece.”

Di otro banda, e parlamento Europeo a precisa ayera cu e gobierno Venezolano di Nicolas Maduro tin cu ‘admiti e actual crisis

humanitario’ na su pais, pa permiti cu caracter urgente e acceso pa yuda internacional. Cu 455 voto na fabor, 100 contra y 28 di abstencion, e Euro-diputadonan cu a reuni na Straatsburg (noroeste di Francia) a expresa den un resolucion nan ‘consternacion profundo y alarma pa e desolador situacion humanitario di Venezuela’.

E Eurocamara ‘ta exige cu e autoridadnan Venezolano lo

permiti cu caracter di urgencia e acceso sin restriccion di yuda humanitario pa e pais aki pa preveni un crisis mas grave humanitario y di salud publico’.

E Euro-diputadonan a aproba un resolucion despues di manda dos delegacion entre 25 y 30 di juni, pa e dos paisnan di frontera cu Venezuela, Brasil y Colombia, ‘pa evalua e repercusion di e crisis den tereno’.

CRAZY BINGO



FRIDAYS JUST GOT CRAZY

FRIDAY JULY 6TH
at 8pm

PROGRESSIVE IS OVER AFL 88.000,-

WIN UP TO AFL 5,500,- IN PRIZES

Full Card Starts at AFL 3600,- CASH! - \$9/AFL 16,-/Bingo Card
9 Games plus the Powerball, Increase your chances to win 1X PROGRESSIVE POWERBALL.
Buy 4 Bingo Cards Receive the 5th for FREE, Buy a stamp for \$2 to Double Up Your Prizes.
Raffles, LIVE Entertainment, Snacks and MORE **CASINO OPENS AT 10 AM**

TROP

CLUB & CASINO

TROPICANA

ARUBA RESORT & CASINO

TA

TROP ADVANTAGE™
Must be age 18 to play. Play responsibly.
www.gamblersanonymous.org

J.E. IRAUSQUIN BLVD. 248, ARUBA, DUTCH CARIBBEAN | TROPARUBA.COM | (297) 527-9160 | LOCATED AT THE TROPICANA ARUBA RESORT & CASINO

Brasil: Empresa Embraer kier bay joint venture cu Boeing

(G1/Globo) – E compania Brasileño di avion Embraer ta spera di por somete proximamente e creacion di un joint venture cu e empresa Mericano Boeing, anuncia e siman aki, na aprobacion di gobierno.

“Nos meta ta pa den segundo mita di 2018 tin e documentonan definitivo, pa somete esakinan na aprobacion di gobierno Brasileño y tambe na e asamblea general di accionista”, e presidente di e empresa, Paulo Cesar de Souza e Silva a bisa den un teleconferencia cu un grupo di analista.

E expectativa ta cu e deal por keda conclui pa fin di 2019, despues di obtene tur e aprobacionnan regulatorio den tur e paisnan unda e dos empresanan ta opera.

Embraer ta un empresa estatal unda gobierno tin un asina yama ‘golden share’ den



e compania, cu ta garantiza di por veto den decisionnan strategico, entre nan e transferencia di control di accion. E empresa a bisa cu nan lo keda registra tanto na bolsa Brasileño como esun di New York, y cu e 3 derecho di golden share di gobierno Brasileño lo keda manteni.

E combinacion di e dos negoshinan entre Embraer y Boeing tabata algo anticipa desde fin di aña pasa y ya

tabata discuti den gobierno di Michel Temer, cu a yega na declara cu no lo entrega e control (estatal) riba e empresa Brasileño.

Embraer y Boeing ta bay crea un joint venture den area di aviacion comercial, na valor di US\$ 4,75 biyon, di cual e empresa Mericano lo tin 80% di participacion y e empresa Brasileño 20%.

Henter e division di aviacion comercial di Embraer lo ser



transferi pa e empresa nobo, y e empresa Brasileño lo ricibi US\$ 3,8 biyon pa entrega e interes mayoritario den e empresa nobo. E valor ta corespone cu 75% di e valor total di mercado di Embraer (R\$ 19,7 biyon, o US\$ 5,05). Ya e US\$ 4,75 biyon na cual a valora e joint venture den su totalidad, ta ekivalente na 94% di e valor di Embraer na bolsa.

E demas divisionnan di

e compania, incluyendo defensa y avion ehecutivo, no lo bay pa e compania nobo, y lo continua den poder di Embraer mes.

“Firma partnership cu e empresa mas grandi di aviacion lo significa un inmenso beneficio pa nos operacionnan, cu acceso na mas mercado, reduccion di costo y beneficio di eficiencia,” Souza e Silva a bisa den e teleconferencia.

Mexico: Casi mes hopi hende muhe cu homber den Congreso

(Infobae/ElUniversal) – Mexico ta kibrando varios record den y alrededor di e eleccion di diadomingo pasa. Pa prome biaha den su historia, e poder legislativo Mexicano lo yega casi na paridad di genero, es decir na un representacion casi igual entre hende muhe y homber, den e Camara di Diputado, como den Senado tambe. Esaki ta resulta for di e cifranan preliminar di e eleccion di diadomingo.

E diferencia entre ambos sexo lo ta esun mas chikito den historia. E Programa di Resultado Electoral Preliminar (PREP), cu 93,56 % di e votonan conta, ta duna cu Camara di Diputado lo ta integra pa 243 muhe (48,6 %) y 256 homber (51,2 %). Mientras cu e Senado lo



tin 63 muhe (49,22 %) y 65 homber (50,78 %). Tur esaki cu un posibilidad chikito cu e muhenan por yega na mayoria, cu tur voto conta.

“Un logro historico cu e principio di paridad den Congreso lo ta un realidad!

Nos ta feliz pa e avance den paridad numerico. Nos tin speransa cu esaki lo traduci den un avance tambe den materia di igualdad pa tur muhe Mexicano”, e Instituto Simone de Beauvoir, un organisacion feminista

respeto na e pais, a expresa. Datonan di e Union Interparlamentario ta indica cu te awor e pais cu mas hende muhe tin den su Camara Abao ta Ruanda cu 81,3%, sigui pa Cuba cu 53,2% y Bolivia cu 53,1%. Mexico lo

por keda na di cuatro luga cu 48,6%.

Den Senado, Belgica tin un representacion femenino di 50% y Mexico lo ta na segundo luga cu 49,2%. Actualmente Mexico ta na di nuebe luga, cu 42,6% di muhe, den e Camara Abao. E representacion den Senado ta di 36,7%. Na 1991, tabatin solamente 21 muhe den e Camara, a keda subi gradualmente, mientras cu na 2003 a bin e cambio grandi, un salto te na 115 muhe y 385 homber. Pa e periodo 2015-2018 e parlamento tabata conta cu 213 muhe y 287 homber.

Den caso di e Senado, na 1991 tabatin solamente 2 hende muhe, na 1994 e cifra a aumenta te 10, na 2006 a yega 22, y na 2012 a alcanza 42.

Mientras reserva den tanki ta cabando

‘Ainda nada di barconan cu crudo for di Venezuela’

WILLEMSTAD - Algun siman pasa un delegacion di PWFC y APRI a bay Venezuela y a sali na cla cu PD-VSA ta sigui interesa den lasonan cu paisnan di Caribe pa local ta trata e negoshi di crudo. Pero segun informacion di Vigilante Corsou ainda no tin barconan cu crudo yegando desde Venezuela.

Segun e informacion a spera cu pa awor, por a ricibi e prome señalnan pa local ta trata barconan cu crudo Venezolano cu lo drenta Corsou, pero esaki no ta e caso.

Segun Vigilante nan a keda pone na conocimiento cu e director di Refineria Isla, Vanessa Flores ta na Venezuela na e momentonan aki. Parce cu lo ta trahando riba un formula pa wak con por trece e barconan cu crudo. Mientras tanto loke cu tin den e tankinan na Refineria Isla ta reserva cu tin duracion pa algun siman, na momento cu tur ser procesa.



Pa AVISO den nos Corant
aviso@bondia.com

Zomer di Cachi Cachi
 1 GANADO GARANTISA DI
AFL. 10.000,-
 cu **LOTTO DI DIA** **LOTTO 5** **MINI MEGA** **MINI MEGA PLUS**

Con pa Hunga?

Cu cada compra di dos combinacion di number riba e mesun ticket y pa mesun sorteo, di Lotto di Dia, Lotto 5, Mini Mega of di Mega Plus, bo ta ricibi un number gratis di Cachi Cachi ariba bo ticket.

Campaña ta cuminsa 20 di juni y ta caba 30 di juli. Ganado ta wordo anuncia 31 di juli durante sorteo di merdia.

CUMpra	RICIBI GRATIS
2 combinacion	1 Number di Cachi Cachi
4 combinacion	2 Number di Cachi Cachi
6 combinacion	3 Number di Cachi Cachi
8 combinacion	4 Number di Cachi Cachi

*mester cumpra e cantidad ariba mesun ticket pa participa

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com

Embahador di Reino nobo na Republica Dominicana na Arubahuis



DEN HAAG - Embahador nobo di Reino Hulandes na Republica Dominicana, Annemieke Verrijp a haci un bishita di cortesia cerca minister plenipotenciario Guillfred Besaril.

Sr. Besaril a desea Annemiek Verrijp hopi exito den su funcion como embahador di Reino Hulandes na Santo Domingo, Republica Dominicana.

E mandatario a bisa di ta hopi contento pa mira cu un embahador cu afecion y conocimiento di e region Caribense a keda apunta na Santo Domingo. Embahadora Verrijp di su banda a bisa cu Aruba por conta riba su cooperacion den cualkier asunto cu ta regarda e relacion entre Aruba y Republica Dominicana.

Sra. Verrijp a nace na Hulanda, pero a crece na Corsou. Na 2005 el a cuminsa su carera na Ministerio pa Asuntonan Exterior y a traha na Dhaka, Bangladesh. Prome cu esey Annemieke a traha pa Nacionnan Uni na New York y pa un NGO na Republica Dominicana.

E potret ta cortesia di Cas di Aruba

EARN & GET GIFT DAY

PLAYER'S CHOICE OF FREE GIFTS

SATURDAY JULY 7TH, 2018

Guest must earn **50 POINTS** from 10AM - 8PM to qualify.

PLAYERS GIFT GIVEAWAY

SLOW COOKER PANS
FRIGIDAIRE RIBBED CASSEROLE

GIFT PICK UP 5PM - 8PM | **TA BOOT**

Open To All TROP ADVANTAGE® Members. One gift per person. Limited quantity. Black & Platinum Card Members may pick up their gift from 4PM until 8PM (one hour early). Limit One Per Patron. While Supplies Last. No rain checks

MORE OFFERS. MORE REWARDS. MORE CHOICES.

TA

TROPICANA

ARUBA RESORT & CASINO

A TROPICANA ENTERTAINMENT PROPERTY

888-817-5735 | TROPARUBA.COM | J.E. IRASQUIN BLVD. 248, ARUBA, DUTCH CARIBBEAN

Must be 18 or older to play. Play responsibly. Gambling problem? Call 1-626-960-3500, or visit www.gamblersanonymous.org. Certain restrictions apply.

ENNIA bou curatela cu efecto inmediato



WILLEMSTAD - Cu efecto inmediato Banco Central di Corsou y St. Maarten (CBCS) a pone Ennia Caribe bou di curatela.

E asina yama 'Noodinstelling' ta conta pa 1. Ennia Caribe Leven BV; 2. Ennia Caribe Schade NV; 3. Ennia Caribe Zorg NV; 4 EC Investments BV y 5. Ennia Caribe Holding BV. Tur ta estableci na Corsou.

Segun informacionnan, CBCS a bisa cu e intervencion tabata e unico manera pa evita e solvencia di Ennia bira pio y cu e banco ta preocupa pa e solvencia di e compania di seguro.

Por lo menos 1.5 bion dolar di seguro y fondonan di pensioen a wordo malgasta a traves di prestamo y

prestamonan di companianan asocia.

Ademas, CBCS ta argumenta cu Ennia lo a purba di transferi 100 mion dolar di un cuenta di balornan pa otro entidad.

E documentonan cu ta compania e noodstelling por deduci cu ta existi un structura complica di e companianan relaciona, di cual, tur ta bay bek na e mesun doño.

E medida cu CBCS a tuma, segun e documentonan di e caso hudicial, tambe ta bin pa via di e tamaño di Ennia y su empresanan asocia.

Segun CBCS, Ennia ta den posesion di 50% di e mercado di seguro, tanto na Corsou como na St. Maarten, mientras e lo ta den posesion di 80% di e mercado di pensioen.

E noodstelling ta permiti

CBCS di restructura e compania y salvaguardia e solvencia di e compania di seguro. Ennia y su abogadonan a protesta contra e noodstelling

aki, pero hues a acepta e solicitud di CBCS y a considera cu e medida di emergencia ta na su luga.

Dia 3 di juli cu a pasa, CBCS

a entrega e peticion pa e noodstelling na Gerecht in Eerste Aanleg na Corsou. E caso tabata bou di hues S.E. Sijmsa.



Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM
PASA LAGA BO AVISO NA OFICINA DI BON DIA ARUBA WESTSTRAAT #22**

TA HUUR
una habitación en Sero Blanco para una mujer, tiene cocina, baño, cama, tv, aire inverter, closet. Renta 400fl Dep.300 fl
Tel. 562 3006

TA BENDE
BBQ Grill made in Aruba
Tipo cylinder y bari
Prijs 100/ 150/250/300
Ta entrega a domicilio
Tel.569 7787

TA BUSCA
Trabow part time
preferibel entre 5 pm - 9pm
Please yama
Tel: 564 3588

**FOR RENT OR SALE
by owner**
1 Bedroom suite at Amsterdam Manor Beach Resort week 22 (26 may-june 2) 2018
Rent \$750 sale: negotiable Info
Tel. 584 1008 / Cel. 594 2502

SERVICIO PUBLICO
ta yuda busca cas pa compra of huur
Tel. 563 1449

TA HUUR
Cas na Mauritsstraat # 8 San Nicolas 1 of 2 pers.
Per 1 aug.
Tel. 592 0061

TA HUUR
Appt na Seroe Patrishi, 1 camber full muebla exclui awa y coriente 1 luna + deposito pa 1 pareha
Tel : 582 6618

SERVICIO PUBLICO
Se ofrece enfermera para cuidar a ancianos o discapacitados
Tel. 566 3098

TA BENDE
Time Share Renaissance 1 Br wk 45 Room 2553 Private Island \$3.000
johnnypaesch@gmail.com
Tel. 630 1307

SERVICIO PUBLICO
ta drecha tur sorto di Imagen
Tel. 584 2489

SERVICIO PUBLICO
Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs
Tel. 593 3141

SERVICIO PUBLICO
Mi ta ofrece pa cuida mucha y hende grandi, haci cas limpi
Tel. 748 7066 /748 7041

SERVICIO PUBLICO
Buscando auto pa huur y na bon prijs? yama nos
Tel. 593 9953/ 593 8453

SERVICIO PUBLICO
Smart Electric Aruba
Ta haci tur tipo di trabou di coriente di cas, meter apart, water heater, ac, etc)
Tel. 565 6638

SERVICIO PUBLICO
Paraiso de Rosa
Ta ofrece su servicio pa cuida hende grandi. Nos ta hende specialisa cu pasenshi y servicial
Tel. 566 2687 /732 2590

TA HUUR
Apartamento grandi 35 m2 na San Miguel 5 minuut for di hotel area pa 1 of 2 persona so
Pa mas informacion yama
Tel.592 2688

SERVICIO PUBLICO
Master Nails
Pa e miho servicio y experiencia den mantencion y atencion pa bo huñanan. Yama pa un cita
Tel. 744 9214

SERVICIO PUBLICO
Figuera Yard Service
Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs
Tel. 738 1908

TA HUUR
Studio na Aruba Beach Club por acomoda 4 pers.
Siman 28 di July prijs: \$750
Tel. 582 2320

TA BENDE
Camaro 2015
Low miles prijs negociable
Interesado yama y manda bo oferta
Tel. 594 4731

SERVICIO PUBLICO
Pa tur di trabou di verf sea cas of negoshi . Trabou garantiza
Tel: 561 5597

GRATIS
Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc
Tel. 561 4297 / 561 5179

SERVICIO PUBLICO
Mi ta ofrece servicio di electricista, electricidad en general, problema cu corto circuito y mantencion
Tel. 566 5026

TA BENDE
un cas na Wayaca Residence 3 camber, 2 baño.
Afl.525.000 (negociable)
Tel. 592 9966

SERVICIO PUBLICO
Masaje relajante, sports masajes, aroma terapia, piedras calientes, reflexologia, faciales
Sabana Basora # 157 P.Ch.
Tel. 561 8520

TA HUUR
Cas di 3 camber na San Nicolas
Tel: 563 1449

TA HUUR
La Cabana Timeshare 1 camber di 29 di maart te 6 april Semana Santo
Tel. 583 8132 / 641 6184

TA BENDE
Plastic septic tank 1000 gallon 3500
Si ta interesa por yama
Tel. 741 7262

TA BENDE
cas situa na Socotorolaan 25 3 camber cu closet, 2 baño, sala comedor, cushina, porch, cura. Prijs taxatie rapport Aw.278.000 Prijs pidi den man Awg. 225.000
Tel. 593 0909

TA BENDE
SUV Mitsubishi Montero den bon estado Afl.4.000
Pa mas informacion por yama
Tel. 597 7815

TA BENDE
Suzuki Alto 2001 automatic Fls.2500
johnnypaesch@gmail.com
yama pa mas info
Tel.630 1307

SERVICIO PUBLICO
Barata Barata
Nos ta chapi, lanta sushi, spuit veneno, corta mata, na bon prijs
Arubiano balente
Call 592 5766

SERVICIO PUBLICO
Garage Sale
7+8 juli 10-3or Alablancstraat 18-21 fan, home theater systeem , Cannon scanner, Mackie monitor speakers wireless dual, microphone, micro PC y hopi mas

SERVICIO PUBLICO
Psychic Riley let me help solve your problems in love marriage finance career and family with immediate results
Call 001 747271 9899
wyattearp14@sbcglobal.net

SERVICIO PUBLICO
Ta furra tur sorto di stoel tambe dashboard di auto/porta Trabouw garantiza, hopi variedad di tela
Tel. 746 0518

SERVICIO PUBLICO
Garage Sale
7+8 juli 10-3or Alablancstraat 18-21 stoel, comforter, bed sheets, cortina, lampi chines, pronkstuk, paña pa baby y hopi mas

TA BENDE
stove nobo marka
Whirlpool prijs 575
Tel. 743 5373

TA BENDE
una bicicleta marka Hugs nobo
Tel. 566 1840

TA BENDE
Tereno eigendom 1187 m2
Tel. 563 1449

TA BENDE
Hyundai Sonata 2016 very low miles Almost New
Prijs Afl.44.000 ganga
Prijs negotiable (finance posible)
Tel. 594 4731

**ABONA PA SOLAMENTE AFL. 35,- PA LUNA Y RICIBI TUR DIA BO CORANTNAN PREFERI
MAS CERCA DI BO!**

Yena aki bao e siguiente informacion

Telefon
 Nombre completo:
 Adres di entrega:
 Adres di cobranza:

Pago Adelanta: 3 Luna 6 Luna 1 año

Cobranza na Cas.
 Cobranza na Trabao.
 Paga via Banco (Standing Order) Aruba Bank no:33266.8
 Paga Aruba Bank ABO ONLINE .
 Paga CMB ONLINE .
 Personal na oficina di Bon Dia Aruba.
 Pone den Box.
 Tira den Cura.

**Yama na telefon: 582-7800 of manda un email na accounting@bondia.com
www.bondia24.com**

Robert Arends:

‘E beheit tocante Serlimar’

ORANJESTAD - Tur e desperdicio cu Aruba ta produci ta bin di nos e ciudadanonan di Aruba y di nan e bishitantenan legal e ilegal di Aruba.

Nada no ta mas logico cu ta nos y nan tin cu paga pa recoge y deshaci di e sushedad cu nos tur ta produci. Logico ta tambe cu si ta gobierno ta encarga cu maneho na Aruba anto ta gobierno mester recoge y deshaci di tur

desperdicio. Cu gobierno por encarga un instancia gubernamental of di sector priva cu e trabao ta responsabilidad di gobierno cu bendicion di parlamento.

Awor si nos realiza cu Aruba ta importa casi tur cos (sigur 99,9%) cu nos y nan ta compra y tira afo, anto e punto ideal pa cobra pa cubri e gastonan di recoge y deshaci di desperdicio ta ora y caminda tur cos ta drenta Aruba y ca-

minda ta cobra impuesto di entrada (invoerrechten) riba nan.

Si gobierno sa of a calcula cuanto ta costa pa recoge y deshaci di desperdicio na Aruba anto gobierno por hisa e actual invoerrechten na e nivel cu ta produci e cantidad di placa cu gobierno mester pa recoge y deshaci di tur sushedad. Asina finalmente tur hende cu compra cos ta paga na midi di e cantidad di placa

cu e gasta. Sindicatonan no por keha pasobra asina esunnan cu tin mas cen pa gasta lo gasta mas y paga mas pa recoge y deshaci di desperdicio.

Ya gobierno tin tur e estructura den practica (Servicio di Duana) pa cobra e suma extra di invoerrechteng destina pa paga pa recoge y deshaci di tur sushedad na Aruba. Di moda cu ni extra gasto Gobierno lo no tin pa cobra. E

comedia politico cu nos tur ta mira desaroya den e dianan aki na Aruba ta simplemente weganan pa complace y haci bon hende pa gana popularidad pa gana voto. Pa colmo di e forma aki gobierno ta haya un arma pa bringa, cobrando mas, tur e productonan (plastic etc.) cu ta dificil pa deshaci di nan y cu ta haci hopi daño na naturalesa.

Astried Vries:

‘Gabinete Wever-Croes ta cabando cu e cartera di pueblo’

ORANJESTAD - Dia 1 juli cu a pasa, e medidanan di Gabinete Wever-Croes a drenta oficialmente na vigor. E pakete di medida cu a wordo imponi door di e gobierno actual ta uno bastante fuerte y ta hopi ciudadano lo bay sintie tur luna.

Como ciudadano mi ta hopi preocupa. Aumento di BBO a tuma luga sin cu a percura pa por a amplia canasta basico prome cu productonan di prome necesidad. Consecuencia ta cu e productonan basico aki lo bay conoce un aumento door di 3 schakel. Nificando cu e aumento ta wordo calcula tres biaha den e prijs. Originalmente ta partido MEP mes ta esun cu a introduci e impuesto aki na 2007 cu tur e consecuencia di inflacion perhudicando poder di compra. Awor atrobe na 2018 e mesun storia ta ripiti pero mas pio. Banconan lo bay cobra tur ciudadano pa

tur servicio un suma extra. Hasta seguronan lo bay aumenta cu consecuencia cu poder di compra di tur hende lo sigui bay atras.

Otro abuso contra e pueblo humilde ta e aumento di gasolin. Esaki ta hopi tristo ya cu gobierno den forma directo ta rancando placa di famianan door cu nan sa tur dia lo mester core auto pa yega nan destino. Riba dje cu gasolin ta caro caba, gabinete Wever-Croes a impone riba pueblo cobransa extra di 10 miyon florin di accijns riba gasolin. Nada ta scapa na man di e gobierno aki. Riba tur cos ta aplicando medida.

Pa completa e abuso gobierno kier cobra un suma exagera pa recogemento di sushi. Banda di esey tur hende ta obliga di page, hasta si nan tin otro compania ta haci e servicio caba. E ta bisto cu pueblo no por wanta asina hopi abuso y nos mester frena esakinan prome cu bira laat.



The donkeys have moved to...

BRINGAMOSA

DONKEY SANCTUARY ARUBA

For directions or information: www.arubandonkey.org or call 593 2933

⚠ ATENCION

TRABAONAN DI COBAMENTO Y TIRA KABEL BANDA DI CAMINDA.

En conexion cu trabaonan necesario, **N.V. ELMAR** Aruba ta informa cu lo cuminsa cu trabaonan di **cobamento y tiramento di kabel di tension halto banda di caminda.**

9 juli 2018 - 15 augustus 2018

AREA:

Desde **Vondellaan "Cas di Cultura"** te cu **De la Sallestraat** dilanti **"Island Finance"**.

Durante e trabaonan menciona lo tin desvio di trafico. Esaki lo wordo haci cu cooperacion di Polis.

Den caso di emergencia, por yama nos **Departamento di Storing** na **523-7147.**

ELMAR
Reshaping Energy

Auto a dal ciclista na crusada banda di Alhambra

ORANJESTAD - Diaranson mainta na e crusada banda di Alhambra, a sosode un accidente entre auto y bais.

Tabata un grupo di ciclista coriendo riba e caminda di J.E Irausquin Blvd, unda chauffeur di un Honda a para pa e grupo pasa y ora a mira e grupo aki pasa a subi caminda, pero no a ripara cu a keda dos ciclista atras y pa descuidao a dal un di nan. Daño material tabata minimo. E ciclista a dal abou no tabata desea ningun asistencia di ambulance.



Polis a bay cera barnan cu a pasa nan orario di ta habri

ORANJESTAD - Ta cos di casi tur fin di siman polisnan ta pasa controla tur bar y club nocturno cu ta pasa nan orario segun ley pa ta habri.

Esaki tabata e caso recientemente ora cu a topa cu barnan y club nocturno



den area di playa ainda habri despues di 3or di marduga.

A cera tur maske algun a paga luz pa polis no ripara, pero a baha bay paden pa asina para musica y manda tur hende caminda pa cas. Si tabata otro pais ta pasa ley di keda habri boet sigur lo ta uno halto.

Like us on Facebook

facebook.com/bondianoticia

Relojos
Pulseras
Cadenas
Dijes

Nos ta graba tur sorto di articulo di metal yama of bishita nos

Tanki
Leendert 178-A
Tel: 587 3940
Fax: 587 2478
Cell 592 9055
email: adalbertovilla@live.com

“COMPRA Y VENTA”

Bachue
Joyeros

Compramos
Vendemos
Arreglamos todo tipo de Joyas
Contamos con un Buen Surtido de Pulseras y Baterias para Relojos

Habri di Dialuna pa Diasabra
9:00am pa 1:00pm y di 2:00pm - 6:00pm

BACHUE

JOYERIA
COMPRA Y VENTA

AQUA
LAUNDRY

Abo!

No tin tempo pa Laba y Seca bo Pañanan!

Pasa y Laganan na:

AQUA
LAUNDRY

Habri di Dialuna pa Diasabra
7:30am non stop 7:30pm
Diadomingo de 9:00am - 1:00pm

Tel: 587 0772

Accidente chikito cu herido

ORANJESTAD - Diahuebs atardi a sosode un accidente chikito, unda un auto di ambulance a dal tras di un auto.

E ambulance e momento ey tabata tin pashent abordo pa hospital. Otro unidad di ambulance a yega di biaha pa asina busca e pashent y a transporta esaki pa hospital.



Turista a perde control cu jeep y ta dal den baranca



ALTO VISTA - Diahuebs pasa di 11:30 mainta, riba e caminda patras di Alto Vista direccion pariba, un grupo di turista a perde control pa via di un plas di awa y bay dal den un baranca net na un subida.

Un persona a keda herida y paramedico di ambulans a presenta na e kapel, unda e victima a presenta y a keda atendi. Patruxa di Noord y trafico tabata presente pa tuma dato di e accidente.

Pronostico di Tempo



Tempo:

Levemente te parcialmente nubia cu localmente un awasero breve
Temperatura maximo 32 grado Celsius y temperatura minimo 26 grado Celsius.
Solo lo baha awe nochi 7:09 pm y lo sali mañan mainta 06:19am.

Biento:

Moderate te basta fuerte for di generalmente direccion oost;
forsa 4 te 5 (20 te 39 km/ora, 11 te 21 nudo)
Den dia fuerte te duro den rafaga;
forsa 6 te 7 (40 te 61 km/ora, 22 te 33 nudo)

Situacion general di tempo:

Den proximo 24 ora no ta spera cambianan significante den e weer cu tini actualmente.
Temporalmente por tin un aumento di nubia cu localmente por produci un awasero pasajero.
Mas aleu por bisa cu stof fini den aire lo stroba visibilidad un poco den proximo dianan.

Condicion di lama:

Olanan di lama lo ta for di direccion oost cu haltura di 5 te localmente 8 pia cu e olanan di mas halto na costanan oost, noordoost te noordwest di e isla.



ATA a sinta cu Raad van Kinderen den sesion di dialogo

ORANJESTAD - Pa di tres aña consecutivo Aruba Tourism Authority (ATA) ta participa den e proyecto 'Raad van Kinderen'.

E iniciativa di Prinses Laurentien di Hulanda hunto cu fundacion 'Missing Chapter' y UNICEF tin como obhetivo pa laga muchanan asumi un papel mas activo den e desaroyo di ideanan pa yuda compania y sectornan local.

Segun e comunicado ricibi di ATA, durante aña escolar 2017-2018, studiantenan di Prinses Amalia School a haya e tarea (dilema): 'Con ATA por percursa pa nos isla por sobresali riba e tereno di servicio cu nos ta duna na nos huespednan?'

Nan a haya un presentacion y splicacion di e tema den cual, entre otro, a papia riba e reto nan nobo pa loke ta energia, cuida y medio ambiente entre otro. Esaki ta rekeri tambe pa pensa riba solucionnan nobo pa nos isla y pa mira e cosnan for di un perspectiva diferente. Fundacion Missing Chapter y Unicef ta kere cu hustamente nos studiantenan por yuda nos sociedad danki na nan perspectiva unico, preguntanan skerpi y tambe logica. Ademas nan ta di opinion cu e muchanan tambe ta stakeholders di nos comunidad cu tin derecho pa duna nan opinion riba asunto nan cu ta determina nan propio futuro.

Den lunanan di maart/april/ mei y juni -como parti di e investigacion- e studiantenan a laga nos turistanan yena un encuesta como tambe nan a bishita nos aeropuerto pa nan wak e prome como tambe e



ultimo impresion cu nos turistanan ta haya ora di yega y sali for di Aruba.

E resultadonan di e encuestanan a wordo trata prome cu vakantie grandi, unda ATA a asisti na e sesion di dialogo, caminda e muchanan a trece dilanti e conseho y conclusionnan cu nan a yega na dje.

E sesion a tuma luga na edificio di ATIA y tabata dirigi pa Marc-Benson Denz. Ehecutivonan di ATA y CEO, Ronella Tjin Asjoe-Croes a sinta hunto cu e grupo di 29 mucha cu pa varios luna a traha riba e tema bou coordinacion di juffrouw Crystal Kock.

Un di e puntonan cu a resalta for di e encuestanan ta, cu nos bishitantenan ta hopi satisfecho cu e servicio cu nos comunidad ta brinda na nan. Amabilidad ta un parti di e servicio duna y un sonrisa ta

forma parti di esaki. Si no trata e turistanan cu amabilidad y cordialidad, nan no lo kier bolbe nos isla pa pasa nan vacacion. Cu otro palabra, nos ta y mester keda duna e turistanan un experiencia unico, unda nan ta sintinan mes special y e sentimento aki mester wordo duna na e turista manera e yega nos isla te na momento cu nan bolbe nan pais.

Despues di e sesion di dialogo, den cual e studiantenan a trece nan idea y sugerencianan dilanti, directiva di ATA y di Raad van Kinderen a sinta hunto pa analisa e informacion obteni y con por implementa esaki den e plannan existente of riba termino corto. Tawata impresionante pa mira e prestacion/interes di e muchanan y e puntonan presenta. E oportunidad ta uno cu ehecutivonan a probecha pa reta e muchanan haciendo preguntanan a caso cu a keda bon contesta.



ANUNCIO - BLBA/130/18

Mediador di Gobierno na Aruba ta anuncia a base di articulo 15, inciso 1 di "Arbeidsbesluit III" cu e referendum menciona aki bao, tabata tin e siguiente resultado:
Fecha referendum : Diahuebs, 5 juli 2018
Number EMPRESA : "Costa Linda Beach Resort dept: Maintenance"
Cantidad empleado cu derecho di voto : 28
Voto valido : 17
Na favor di STA : 17
Na favor di Ningun bond : 0
Voto blanco : 0
Voto invalido : 0
Resultado di referendum : STA SI a haya e mayoria

Aruba, 5 di juni 2018
Mediador di Gobierno
Anselmo Pontilius



ANUNCIO

Minister di Finansas, Asuntunan Economico, y Cultura ta anuncia cu en conexion cu introduccion di BAVP di 1,5% y adaptacion di e BAZV cu 1 %, e prijs maximo permisibel di LPG pa uso domestico ta bira como lo siguiente.

Prijs pa mayorista:
Gas pa cushina (LPG) pa uso domestico: Afl. 26,60 pa cilindro di 45,4 kg (100 lbs)

Prijs pa detayista:
Gas pa cushina (LPG) pa uso domestico: Afl. 46,38 pa cilindro di 45,4 kg (100 lbs)

Prijs ta inclui BBO.

Cada aña ta scoge un school basico/preparatorio na Aruba unda e studiantenan ta participa den e proyecto conociendo un industria of organizacion local y ta haya e tarea di formula solucionnan pa un dilema en particular. ATA ta kere y ta sostiene e proyecto firmemente ya cu ta brinda un plataforma den cual nos muchanan por amplia nan conocimiento riba nos industria turistico, y e oportunidad pa participa activamente desaroyando nan sinti di responsabilidad civico, e comunicado ta clausura.

Unidad Startjaar di EPB San Nicolas ta celebra e resultado di aña escolar 2017-2018

SAN NICOLAS – E Unidad Startjaar di EPB San Nicolas ta celebra nan resultado pa loke ta aña escolar 2017-2018. Nan a cuminsa aña escolar 2017-2018 cu 128 alumno y a caba cu 132 alumno. Na caminda, tin alumno cu a drenta for di SPO den luna di Januari 2018 y tin alumno cu a bandona scol durante e aña escolar.

Segun un comunicado cu Bon Dia Aruba a ricibi, 51 alumno a subi di nivel den trimes ter 1 y di e 51 alumnonan aki solamente 2 alumno a baha bek di nivel den trimes ter 3. Na final di trimes ter 3 un cantidad di 12 alumno a subi di nivel di cual 10 di e alumnonan aki a subi di nivel caba den trimes ter 1. Cu otro palabra e 10 alumnonan aki a subi 2 biaha di nivel durante di e aña escolar. E 10 alumnonan aki cu a bolbe subi di nivel a bay durante aña escolar 2017-2018 di nivel 3 (arbeidsmarkt) pa nivel 2 (uitstroom) y di nivel 2 pa doorstroom (nivel 1) den 2de klas di Beroeps cyclus. Esaki ta algo sumamente bunita y motivador tanto pa e scol como pa e mayornan. Na final di nan carera escolar na EPB e alumnonan di nivel 1 tin e posibilidad di bay EPI, e comunicado ta splica.

E porcentahe di dropout ta 1.5% cual ta representa 2 alumno y e porcentahe di esunnan cu ta haya e oportunidad pa ripiti e aña escolar ta di 3.5%. “Orguyosamente directiva, management, cuerpo di docente y e team di guia cu ta consisti di trahadora social, psicologo y Interne Begeleider ta anuncia cu Unidad Startjaar di EPB San Nicolas a caba aña escolar 2017-2018 cu un porcentahe di 95% cu a bay over pa 2de klas di Beroeps cyclus.”

Segun e comunicado ta bisa na final, e bunita resultado aki ta fruto di e esfuerzo, bon comunicacion y guia di e scol cu e mayornan cu ta traha conhuntamente cu e docentenan y ta stimula nan yiunan den nan carera escolar. “EPB San Nicolas ta gradici e mayornan pa e confiansa deposita den e scol. EPB San Nicolas ta desea tur alumno, docente y su staff un feliz temporada di vakantie y e team completo ta cla y motiva pa aña escolar 2018-2019.”



Fundacion Cas Pa Comunidad Arubano

Projecto di Stage di EPB

E studiantenan di 4 aña di unidad tecnico den direccion di Asistente den Construcccion mester pa completa nan estudio cu un stage den construcccion di cuater siman.

E tabata un periodo den qual e stagiaires por a adkiri conocimiento i experencia di e realidad den e mundo di construcccion.

E periodo di stage a core di 14 di mei te cu 8 di juni, 2018.

Pa e periodo di stage di EPB cerca FCCA a dicide pa laga construi dos separacion di cura bou guia na casnan di huur di FCCA na Primavera 244 i Primavera 264.

E separacion di cura ta parcialmente trabou di metsel cu columnanan di beton i 2"x6" palo di balki den e columnanan.

E studiantenan di EPB cu a (core) stage na FCCA ta Girwar Yodindra, Dylan Nedd, Shannon Smith i Rea Von-Vrolijk. Johnny Thiel i Nando Tromp kende nan conhuntamente tin 60 aña di experencia riba dicho tereno a guia e cuater stagiaires durante henter e periodo di stage. Durante e projecto di stage e stagiairesnan a wordo conoci cu casi tur e componentenan pa cu e construcccion di un separacion di cura entre otro:

- Trabounan di fundeshi
- Trabounan di metsla
- Trabounan di carpinte
- Trabounan di beton
- Trabounan di pleister

E stagiairesnan di EPB a haya e oportunidad pa pone nan estudio den practica i tambe adkiri conocimiento nobo. E projecto di stage por wordo considera un projecto exitoso pa tanto e stagiairesnan como pa FCCA.



Sabana Blanco 66



(297)522-FCCA



www.fcca.com



info@fcca.com

Ceremonia protocolario dia di independencia di Venezuela



ORANJESTAD – Ayera mainta a tuma luga un acto protocolario di ponedimento di ofrenda floral dilanti di estatua di Simon Bolivar ariba cabay pa conmemora e di 207 aniversario di independencia di Venezuela.

E acto aki a conta cu presencia di e mision diplomatico di Venezuela encabezado pa su consul nobo, Carlos Mata Figueroa, kende a duna un elocuente discurso tocante Libertador Simon Bolivar su vida y su lucha pa libertad di Venezuela y otro paisnan di Latino America. E biaha aki e discurso no a wordo enfoca riba e logronan di e gobierno socialista di Venezuela, sino cu e tabata un discurso hinca den un contexto historico den cuadro di nan fecha di independencia di 5 di juli di 1811.

Tambe prome minister, Evelyn Wever-Croes a trece dilanti su discurso den bon Spaño, unda e mandatario a referi na e relacion historico cu semper a existi riba tereno familiar, comercial y cultural entre ambos pueblo. El a bisa cu awe nos tin na Aruba generacionnan di Venezolanonan cu a bin biba riba nos isla. “Mi no sa cuanto generacionnan nan ta exactamente, pero nan ta hopi. Cu orguyo mi ta sinti mi ta parti di e generacion ey”, e mandatario local a bisa. Tambe el a laga sa cu e generacion di Venezolano aki a integra nan mes y nan a uni na e lucha di nos pais pa crea un miho futuro. E mandatario a referi tambe na e frase inmortal di e estadista Betico Croes, caminda el a referi cu e Arubiano no ta esun cu




a nace riba nos isla. Sino cu Arubiano tambe ta esun cu a haci di Aruba su nacion, hogar y patria.

Prome minister Wever-Croes a finalisa cu breve discurso gradiciendo e comunidad Venezolano cu a laga nan hogar y nan famia pa busca un miho futuro pa nan. Pero tambe pa brinda nan ayudo pa Aruba por desaroya su economia.

“Awe mi ta felicita boso pa e dia tan importante pa e comunidad Venezolano”, el a bisa. Un biaha mas el a expresa su palabra di danki na e comunidad Venezolano pa tur loke nan a haci pa nos pais. E mandatario a termina su discurso bisando: “Gloria al bravo pueblo!”

E ceremonia aki tambe a conta cu presidente di parlamento, Ady Thijzen, director di departamento di Relacion Exterior, Edwin Abath, miembronan di e cuerpo consular acredita na Aruba y invitadonan den general.





Tomato Charlie's Pizza
Great Tasting Pizza Since 1987

Palm Beach, Noord, Arashi, Ponton, Washington, Hotels

FREE DELIVERY
DAILY 12PM - 11PM

THIN-CRUST PIZZA
FRESH VEGETABLE - IMPORTED TOPPINGS
CHICAGO STYLE SQUARE CUT

ORDER 1 SPECIALTY LARGE PIZZA
GET ONE MEDIUM PIZZA
ONE TOPPING **FREE**

TEL. 586-9807
OPENING HOURS
12 NOON - 12AM

Located at Brickell Bay Mall next to **SAND BAR** on Palm Beach

Ekipo di Pony League Mustang 9U cu uniform nobo cla pa representa Aruba

SANTA CRUZ – Den cuminsamento di siman, bou di un ambiente familiar y ‘hopi ameno’, e compania Property Improvement People a entrega di uniform na e seleccion di Pony League Mustang 9U como forma di sponsor.

Segun un comunicado cu Bon Dia Aruba a ricibi, e seleccion di Pony League Mustang 9U lo sali 24 di juli binidero rumbo pa California, Merca, pa representa Aruba den World Series 2018. E peloteronan tawata tin

nan photoshooting na Eagle Beach y despues sigui pa bautismo di e uniform na Urataca Center. E team completo a ricibi e uniform for di e representante di PIP Elvis Perez, e comunicado ta bisa. E bautismo tawata den man di e manager Jordano Ruiz hunto cu e coach nan Dyron Wouters y Rodney Geerman. E team completo tawata presente na e momento ey, segun e comunicado.

“Di parti e mucha nan, coaching staf y mayornan nos kier a gradici PIP inmensamente pa su contribucion na e Seleccion 9U Mustang.”





TA PRESENTA:
Certified Mega Mall
L.G. Smith Blvd. 150
Tel: 588-1918
E-mail : knikker64@setarnet.aw

FIFA WORLD CUP
RUSSIA 2018



Weekend di suspenso pa Fifa World Cup 2018

MOSCOW – E weganan di futbol pa loka ta Fifa World Cup 2018 ta continua e weekend aki. Ya caba den e kwart final di e campeonato, e ultimo ocho ekiponan lo ta batayando fuertemente pa asina sigui pa e ronda di semi final.

E ocho ekiponan cu ainda ta aden ta Rusia, Croatia, Suecia, Inglatera, Uruguay, Francia, Belgica y Brazil. E ocho ekiponan aki lo ta hungando awe y mañan. E weganan ta programa como lo siguiente.

Awe diabierna lo hunga Uruguay contra di Francia pa 10.00am. E lo sigui pa e partido di Belgica contra Brazil pa 2.00pm. Mañan lo hunga Suecia contra Inglatera pa 10.00am y Rusia contra Croatia pa 2.00pm. Despues di e ronda aki, e siguiente partidonan di semi final lo ta dia 10 y 11 di juli. E gran final ta pro-

grama pa e weekend di 14 y 15 di juli.

Na Aruba por sinti cu keto bay nos ta den ambiente di futbol, no obstante cu hopi di e teamnan faborito manera entre otro Alemania, Argentina, Spaña y Portugal ya no ta aden mas. E fanaticada di Brazil na Aruba ta uno grandi y e speransa tey pa nan cu nan ekipo lo por gana e campeonato. Di otro banda, hopi ta comenta cu awe Brazil lo bay cas.

Un otro ekipo cu no ta participando ta Hulanda, ya cu no a cualifica pa e 'mundial' aki. Den noticia Hulandes a keda publica recientemente cu e economia di e pais en general a conoce un perdida di algun miyon di euro e biaha aki ya cu no tin mucho interes di 'bon ambiente' manera cu tin ora cu Hulanda mes ta participa.



RCS ta batisa uniform nobo y ta clasifica pa final contra Britannia

SAVANETA - Recientemente a tuma luga bautismo di uniform nobo di RCS Racing Club Savaneta patrocina pa Prime Contractors.

E bautismo a ser realisa pa Yee San y Carol pa Prime Contractors. RCS ta sumamente contento di den e tempo dificil aki, toch a logra haya un sponsor pa uniform pa tur team di RCS y ta gradici Prime Contractors pa e hecho aki.

Prime Contractor di su banda ta contento di por sponsor RCS mirando cu nan tabata buscando pa sponsor un team den progreso mescos cu e compania Prime Contractor cu ta un compania di servicio den diferente area y ta un compania cu cada dia ta creciendo.

RCS tabata tin un tremendo aña di futbol. Den categoria SUB 11 plata RCS a yega di tres luga. Tambe den e grandinan RCS a haci un bon papel. E team di Division Uno a termina na di dos luga den su poule y asina a hunga y yega na di cuater luga den e play-off. Diabierna anochi ta toca e team di categoria di menor di RCS di hunga e final contra Britannia.

Pa esaki RCS a gana Bubali 3-1 y tambe RCA 3-1 den su ultimo weganan pa clasifica pa e final. E wega di final ta ser hunga den Centro Deportivo Guillermo Prospero Trinidad na Dakota y ta cuminsa pa 8.00.

RCS ta pidi su fanaticada pa acudi y apoya e ekipo den un bataya final contra Britannia.



Ekipo di Equitacion den preparacion pa Mundial



ORANJESTAD - E seleccion di Aruba di Equitacion ta den pleno preparacion pa e Mundial di Equitacion proximo na Ocala Juli 19-21, segun e comunicado ricibi di e ekipo.

Head Coach Jorge Romero di Puerto Rico, tabata na Aruba ultimo pa duna su ultimo observacion y haci e ultimo ahustacion na e jinete y amazona prome cu nan sali pa representa Aruba den e Mundial.

E seleccion ta consisti di 12 jinete y amazona cual lo com-

peti den 6 diferente categoria. E participantenan ta Genesis Pietersz, Gabriella Piazzzi, Elizabeth Johnson, Melanie Wever, Zoey Arends, Norelani Figaroa, Eva Pols, Natalia Mouawad, Alina Mansur, Gianluca Curiel, Willem Werleman y Jordy Wever.

Nan lo competi contra jinete y amazona di Colombia, Corsou, Venezuela, Panama, Puerto Rico, USA, Ecuador y Republica Dominicana. Durante diferente luna e ekipo tabata den training intensivo cu e Head Coach como tambe nan propio coachnan local.



Un total di 1000 participante den MetaFit 2018



ORANJESTAD - E evento MetaFit 2018 a termina diadomingo mainta despues di un programa di 7 siman, cu 12 evento di caminata y coremento.

Pa 7 siman largo empleadonan y participantenan a train y prepara nan mes 2 biaha pa siman p'e caminata grandi di MetaFit cu tabatin 3 categoria, cu distancia di 5km, 10km y 15km, segun e comunicado ricibi di MetaCorp.

Diadomingo dia 1 di Juli e preparacionnan a cuminsa for

di trempan pa warda e participantenan yega pa cana y core den e Caminata MetaFit 2018, cu a conta cu participacion di 1000 hende. Pa e comision organisaado, tabata 7 siman largo cu 12 evento di preparacion p'e caminata grandi y na mes momento nan tabata contento con tur cos a cana.

Na final di e evento Eddie de Veer, CEO di MetaCorp a entrega tur ganado nan premio di e 12 caminatanan di 7 siman y tambe e Caminata MetaFit 2018.



Edu Vos (AVP):

‘Na un manera camufla ta purbando pa elimina Watty Vos su number for di e Scol di Polis’

ORANJESTAD - Ta pa un tempo caba na un manera sporadico, pero continuo y camufla, e directora di Instituto Policial E.J. “Watty” Vos ta bin ta anunciando cu lo haci cambio di number na e instituto di formacion policial aki. Cada bes ta anuncia un number diferente, pero semper lagando Watty Vos su number afo. Pa cual motibo mester asumi cu e meta real ta pa saca, na un manera camufla, e number di Watty Vos for di e Scol di Polis.

Recientemente a duna e motibonan pakico e cambio di number mester tuma laga, poco motibo cu no tin pia pa para ariba corda pa tin base pa laga number di e fundador di e scol di polis afo. E la menciona cu pa motibo cu e scol no ta dunando of lo no duna les exclusivamente na polis so mas, pero cu otro instancianan di e cadena hudicial tambe lo haya nan formacion na e scol aki, pa cual motibo e number lo bay cambia pa

Academia di Husticia y Siguridad di Aruba.

A wordo menciona cu banda di Cuerpo Policial Arubano, cu KIA, Kustwacht, CEA, Migracion y Cuerpo di Aduana tambe lo haya nan formacion akinan. Como sifuera cu awor numa e wiel a wordo descubri. Desde su inicio na Isaac Wagemakerstraat Scol di Polis a bin ta duna curso y formacion no solamente na polisnan, pero tambe na e bewakernan di Huis van Bewaring Dakota, despues KIA, como tambe na e oficialnan di inmigracion. Cu otro palabra esaki no ta algo nobo pa cual mester bay inventa e wiel di nobo.

Tambe a menciona cu ta dunando of ta bay duna curso na e oficialnan tanto di Kustwacht como di CEA. Ora bo ta papia di Kustwacht ta e number di Watty Vos ta bin den mente, pa motibo cu ta su persona ta esun cu a tuma iniciativa pa awe awanan teritorial di Caribe Hulandes tin proteccion di Kustwacht di

Reino. Mesun cos ta conta pa CEA, cual departamento ta Watty Vos a funda bou di e number di Dienst Beveiliging Aruba, conoci den boca di pueblo como ‘Blue Team’. Mester ta hopi ingenuo of di mala fe pa expresa cu e vision planta den suelo di e pueblo di San Nicolaas 43 aña pasa a keda chikito pero awor (numa) ta (bai) crece. Un vision cu a crece, adapta y bay cu tempo durante 43 aña y cu a laga tur esunnan cu a bringa Watty Vos cu alma y cuerpo cu hopi gana di wak e Scol di Polis fracasa. Cu e edificio actual na Fort Heuvelstraat a bira chikito pa e cantidad di alumno y diferente cursonan cu ta wordo duna, ta prueba palpable cu e vision di Watty Vos tin derecho di existencia. Como tal su number mester keda den cual variante cu por pensa di pone na laga di e scol mirando cu su base, su raiz ta esun traha, planta riba 16 di augustus 1975 den suelo di e pueblo di San Nicolaas.

Cu otro palabra number di Watty Vos hama por wordo

kita como tambe sali bai busca tereno den pueblo di San Nicolaas mes, mirando cu ta ey ta e cas di Scol di Polis. Nada di bai busca laga otro parti di Aruba pa construi un edificio nobo pa Instituto Policial E.J. “Watty” Vos. Si acaso ta sigui insisti pa laga elimina Watty Vos su number for di Scol di Polis, cu e (mal) hecho aki ta habriendo un porta pa den futuro cualkier gobierno, politico of ambtenaar por laga kita na su antoho nombrenan di yiunan di tera for di cayan, edificacion, instancianan, scolnan, parke nan, plasanan of stadionnan. Un tendencia hopi peligroso mes pa motibo cu bo ta secuestrando e reconocimiento na e logronan di e yiunan di tera aki. Un porta cu dificilmente lo por wordo cera pa motibo cu e eliminacion di e number Watty Vos for di e Scol di Polis lo marca e precedente di esaki.

Mare mi por ta robes den esaki, pero analisando e motibonan fofo duna pa cambia number di Instituto Policial

E.J. “Watty” Vos pa Academia di Husticia y Siguridad di Aruba, lo mi no keda straña cu despues lo anuncia cu ta cambia e fecha 16 di augustus como dia di polis di Aruba mirando cu e fecha di e celebracion aki ta danki cu riba e fecha aki 43 aña pasa Watty Vos a inaugura Scol di Polis contra biento y marea. Cual fecha di celebracion tabata un escogencia di Alto Mando Policial net despues di nos Status Aparte. Practicamente despues di nos himno y bandera e scol di polis ta un simbolo di nos autonomia, mirando cu e la wordo realiza casi 11 aña prome cu nos Status Aparte, pa motibo cu e ponencia di e tempo ey tabata cu e formacion policial mester keda central na Corsou. Un bes mas mare mi por ta robes den esaki.

Si e cambio di number sin e number di Watty Vos aden continua, e proximo gabinete di AVP Watty Vos su number lo wordo restaura na e instituto di formacion di husticia y siguridad aki.



Parlamentario Alan Howell (POR):

‘Ta lamenta cu e fraccion di MEP a cancela e reunion publico’

ORANJESTAD - Fraccion di POR ta lamenta cu ultimo ora ta cancela un reunion publico di asina importancia.

Gran parti di nos pueblo tabata en espera riba e reunion aki. Fraccion di POR tabata sinta den sala di parlamento ta warda e reunion publico cuminsa y dje ta haya sorpresa cu e reunion a cancela.

Fraccion di MEP a yama e reunion pa asina minister Otmar Oduber bin duna cuenta di futuro di Serlimar y pa contesta e preguntanan cu segun fraccion di MEP e minister no a contesta na nan agrado.

Algo cu sigur ta nan derecho y sr. Howell hasta ta haya cu



e tabata un bon idea ya cu e di forma aki pueblo lo por a

scucha y mira pa nan mes y por a saca nan propio som.

Segun fraccion di MEP nan a

cancela e reunion debi cu nan a keda conforme cu 2 punto cu conseho di minister a revoca.

Pero, di otro banda pueblo a keda na banana pa por a sigui e reunion importante y cayente aki, a pesar cu ta e pleno derecho pa esun cu pidi e reunion publico por cancela esaki.

Sr. Howell ta keda para ariba cu un debate publico cu minister lo tabata ideal y na su luga. “Aki no tin stem-pel-parlament mas, aki nos ta traha na bienestar di pueblo. Ta pueblo a pone nos ey-nan toch”. Sr. Howell kier a gradici minister Oduber pa ta presente den sala di parlamento a pesar cu e reunion a cancela inesperadamente.

Parlamentario Michael Lampe (AVP):

‘Minister di infraestructura a manipula fraccion di MEP pa cancela reunion’



ORANJESTAD - No tin seriedad ni den gobierno di coalicion y tampoco den seno di fraccion mas grandi cu ta sostene gobierno, esta MEP, ya cu algun minuut prome cu presidente di parlamento a habri e reunion publico yama pa fraccion geel pa minister di infraestructura bin duna claridad riba su decision pa cobra pa recogemento di sushi, a pidi pa cancela e reunion.

E mesun lider di fraccion di MEP cu a dirigi e carta na number di e fraccion pa manda yama minister di infraestructura, a dicidi cu e reunion no ta necesario mas ya cu gobierno a informa e fraccion cu lo suspende cobranza di recogemento di sushi pa 2018 y esaki lo drenta na vigor pa prome di januari di 2019.

“Ora cu nos a kere cu realmente fraccion di MEP porfin lo para firma como representantenan di pueblo na interes di pueblo, nan a dicidi di laga cos para y spera prome di januari 2019 pa mira kico ta bay pasa.

Un decision cu en realidad tabata forma parti di henter un schema politico hinca den otro, ya cu pa sorpresa grandi, un miembro d partido POR kende a wordo nombra pa minister Oduber na Serlimar recientemente, a presenta pafo di parlamento c’un grupo di trahadonan di e compania, cuestionando e forma di proceder di fraccion di MEP.”

No tabatin motibo pa para e reunion aki ya cu a pesar cu gobierno a dicidi di suspende introduccion di e ley pa

cobra pa recogemento di sushi, esaki lo drenta na vigor pa prome di januari 2019 sin cu e minister a aclaria cierto incertidumbre cu a nota den su decision pa introduci esaki dia prome di juli 2018.

E tension den seno di e fraccionnan cu ta sostene gobierno di coalicion ta bisto y awor a bruha ainda mas ya cu tur cos ta mustra cu a kita e derecho di fraccion di MEP pa dirigi diferente pregunta na e minister, riba cierto desaroyonan cu nan no tabata haya cu tin claridad riba nan.

Principalmente su decision di impone e cobranza aki for di prome di juli ultimo, mientras cu riba presupuesto tin suficiente placa pa cubri pa recogemento di sushi rond Aruba.

Fraccion di MEP a yega parlamento pa atende cu e reunion aki y a wordo informa algun minuut prome cu esaki a inicia, cu e reunion no ta necesario mas pero sin cu tin claridad riba diferente aspectonan cu e fraccion geel a cuestiona for di diabierna siman pasa.

E decision cu gobierno a tuma pa no cobra pa recogemento di sushi pa e aña aki mas, no ta soluciona e situacion ya cu tin asina hopi aspecto di e ley aki cu no ta mucho cla y no ta splica bon cla kende ta wordo exonera y no tin cu paga, ya cu tur cos ta hopi vago y sin mucho splicacion y ta di spera cu den e proximo lunanan cu ta resta di 2018, parlamento haya claridad riba implementacion di e ley aki prome cu e drenta na vigor pa 2019.

Melvin Tromp (AVP):

‘Tata a duna yiu trabou y awo yiu ta duna tata trabou’

ORANJESTAD - Segun partido MEP, tanto esunnan den parlamento como esunnan den gobierno, pais Aruba ta den un crisis grandi y mester tuma medida contra pueblo, pa por sali di e crisis aki.

Tur cu papia, tur cu bisa algo riba e periodo nobo di gobernacion di gabinete Wever-Croes, ta papia di debe grandi, di mega debe y otro excuus nan pa trata di tapa nan incapacidad pa goberna un pais asina prospero manera Aruba, miembro di partido AVP, Melvin Tromp ta declara.

“Nos por mira con e hendenan aki ta bisa cosnan cu nan mes no ta kere aden, ta papia di debe grandi cu a keda, pero tur dia tanto pueblo y nan mes cu ta forma parti di pueblo, ta biba y gosa di e inversionnan cu a wordo haci den nos pais.

Pero mientras cu tin algun di e ministernan actual semper a grita di mega debe, a grita cu e pais ta na rand di bancarota, nan accionnan sinembargo ta completamente opuesto na loke



nan mes ta grita y un biaha mas ta bolbe sali na cla con e gobierno aki kier manipula nos pueblo cu storianan sin sentido y mentiranan flagrante. Un ehempel cla y raspa di esaki ta e hecho c’un minister cu den pasado su tata a nombre den un posicion na compania Setar hunto cu su ruman,

awor e mesun minister yiu aki, ta bira nombra su tata den e hunta di directiva di Setar.

Sin duda algo di cuestiona ya cu aki ta trata di minister Dangui Oduber, kende a logra pa haya su tata forma parti di e hunta di directiva di Setar,

mientras cu por a brinda un oportunidad na un hoben of otro persona cu sin duda lo por cumpli cu e obligacionnan aki.

E ehempel mas grandi di e situacion aki ta cu ex prome minister, Nelson Oduber, ta cobrando caba un total di 6 pensioen di biehes, tanto di Aruba como di ex Antias Hulandes, pues sin duda e no por ta den necesidad.

Sinembargo aki nepotismo ta na orden di dia ya cu den e famia Oduber aki, falta solamente un hende mas pa wordo poni riba payroll di gobierno ya cu tin e yiu minister, e yiu coordinador y e tata consehero awor na Setar, cu ta bolbe muestra cu MEP ta keda un gobierno cu ta traha pa sirbi interes di amigo y famianan y no di nos pueblo.

Pa pueblo no tin nombracion, pa pueblo no tin comision pa cobra of toelage pa ricibi, pero pa pueblo tin medidanan desorbitante pa asina cubri cu e tipo di salarionan aki pa un solo famia cu a saca asina hopi riba custia di nos pueblo caba.

Parlamentario Hendrik Tevreden (MEP):

‘Premier Evelyn Wever-Croes a duna oido y a propone un salida elegante’

ORANJESTAD - Pa motibo di falta di informacion concreto ariba e suma adicional di 5.4 miyon florin cu parlamento a presupuesta pa Serlimar (2018), parlamento a haci uzo di su derecho pa haci pregunta (vragenrecht) na Gobierno, pa asina por haya claridad ariba e cobransa cu mester a tuma luga for di dia 1 di juli pa recogemento y procesamento di sushi residencial.

Na su turno ministerraad a manda un carta na parlamento informando cu a revoca e decision cu a wordo tuma y a propone pa cuminsa cobra te cu dia 1 di januari 2019. Durante e tempo nos dilanti lo studia cua lo ta e miho forma pa implementa e cobransa aki cu sosten y aprobacion di comunidad di Aruba y stakeholder nan.

A pesar cu e procedura aki cu ta hancra den nos constitucion lo mester a procede sin dificultad, parlamento a sinti cu ta tin resistencia. Sinembargo ministerraad, lidera pa minister presidente, Evelyn Wever - Croes a duna oido y a propone un salida elegante.

E deseo comun ta pa comunidad sigui sostene Serlimar, y cu e tempo cu a sobra, gobierno lo por haci un miho preparacion prome cu e introduccion di tarifa na Januari 2019.

“Mi ta di opinion cu Aruba lo sali beneficia. Esey t’e cambio!”, parlamentario Tevreden ta bisa riba ret social (Facebook).




Ceramento di crusada na altura di Acero Hardware building

ORANJESTAD - Departamento di Obra Publico ta informa pueblo di Aruba en general y specialmente nos automobilistanan cu ta haci uzo di e caminda for di Solito direccion Tanki Leendert cu desde diahuebs 5 di juli 2018 for di 9'or di mainta lo cera e crusada na altura di Acero Hardware Building pa asina por cuminsa construi un rotonde.

E desviacionnan di e caminda ta lo siguiente:

- Trafico for di Oranjestad ta wordo desvia na man drechi di Tanki Leendert #2 direccion (straight) te na Tanki Leendert #8a. Subi man robes te na Tanki Leendert #106 (Glenn's Place) drenta man robes te na Tanki Leendert # 98 pa asina subi e caminda di Solito-Tanki Leendert bek.
- Trafico for di Catiri -Tanki Leendert ta wordo desvia na man robes, na altura di Tanki Leendert #98 te na Tanki Leendert #106 (Glenn's place) pasa via di Sero Patrishi, pariba di e dam na Tanki Leendert, y na altura di Tanki Leendert #8a ta sali bek riba e caminda di Solito/Tanki Leendert.



Borchi y baricadanan lo wordo poni pa asina indica e desviacionnan di trafico y e trabou aki lo tin un duracion di 3 luna.

En conexion cu e trabou menciona Departamento di Obra Publico ta haci un peticion na tur automo-

bilista pa sigui e borchinan di indicacion y ta pidi pa tene cuenta cu e inconveniencia cu lo por surgi y ta gradici pa e comprension.

Seyo Nacional pa Artesania

ORANJESTAD - Departamento di Cultura Aruba conhuntamente cu e Comision di Seyo Nacional Aruba ta extende na tur artesano un invitacion pa haci entrega di tur material nobo cu no tin Seyo ainda. Dia 13 di juli lo tuma luga nos siguiente reunion di evaluacion. Comision lo bini hunto y asina pasa riba tur e criterionan necesario pa e producto bin na remarca pa e Seyo Nacional pa Artesania di Aruba.



producto.

- E producto mester ta traha na Aruba.
- Grado di uzo di material local.
- Grado cu e producto ta refleha tecnicanan di artesania tradicional

E proceso di aplicacion ta tuma luga na Departamento di Cultura Aruba na Horizontal Building na L.G. Smith Blvd. 134 (Prome Piso). Pa esaki mester yena e formulario di aplicacion, mester trece un identificacion valido, un comprobante di Censo di Awg. 5,- y un pasfoto. Pa mas informacion tocante e Seyo di Artesania Aruba, como tambe e proceso di aplicacion por fabor tuma contacto cu nos na tel.: 582-2185.

Aki e criterionan pa bini na remarca pa un Seyo Nacional di Artesania di Aruba

- Mester ta traha na man. (No cu mashin, pero cu herment manual senciyu)
- Autentico, Diseño Original.
- Consistencia den (re-) produccion di diseño y modelo.
- Grado di experticio (tradicional) den trahamento di e

E biaha aki haci bo entrega di producto prome cu dia 11 di juli 2018. E comision lo ta evaluando productonan cu lo ta clasifica pa e Seyo.

Like & Share e Facebook page di Seyo Nacional pa Artesania Aruba y haya mas informacion tocante e proyecto aki.

No perde e oportunidad aki pa entrega bo producto(nan) y bo tambe por ta e siguiente artesano cu Seyo, caminda Aruba por tin tur su artesanonan cu e Seyo Nacional di Artesania y brindando nan obranan tambe den e tienda Cosecha. E Seyo Nacional di Artesania ta pa promove y certifica nos productonan local. Creatividad ta parti importante di arte. Sea abo un di e proximo artesano certifica. Departamento di Cultura Aruba ta spera cu mas y mas artesanonan ta haci uzo di e oportunidad aki.

Cla pa bay cu vakantie? Aduana ta recorda bo riba su tareanan na aeropuerto



ORANJESTAD - Temporada di vakantie grandi ta den porta y hopi di nos hendenan local ta preparando pa bay cu vakantie pronto of ta preparando pa ricibi famia y hendenan keru for di exterior.

En conexion cu e temporada di vakantie, Departamento di Aduana kier informa pueblo over di e tareanan fiscal y no fiscal cu e ta eherce y pakico Aduana ta eherce e tarea aki. E tarea primordial di Departamento di Aduana ta e tarea fiscal, di cual e ta encera controla e fluho di articulonon cu ta wordo importa, exporta y ta pasa Aruba di transito.

- E control fiscal di e articulonon ta encera: controla, calcula y cobra impuesto di importacion y accijns riba articulonon cu ta wordo importa, exporta y ta pasa Aruba como transito.

- Como Aduana ta na frontera tin tareanan cu ta wordo delega na nos door di otro departamentonan via di nos Bijzondere verordeningen, cual tin e meta pa salvaguardia interesnan

di pais Aruba riba tereno di: salubridad y siguridad publico, economia, medio ambiente.

Un ehempel hopi comun ta ora un persona bay den exterior y compra pildonan pa baha peso of pa un tratamiento medico. Nos ta conseha e biahero pa busca e informacion y permiso necesario encuanto medicamentonan cu mag di wordo importa prome cu biaha na Inspectie Volksgezondheid Aruba. Hopi biaha e ambtenaarnan di Aduana ta confisca pildonan of medicamentonan cu no mag di drenta Aruba of cu ta un peliger pa e salubridad publico. Pa es motibo aki nos ta conseha e personanan cu tin pensa di compra medicamentonan di exterior pa nan informa nan mes bon prome pa evita cualkier inconveniencia na nan yegada na Aruba.

Pa mas informacion encuanto ley nan di Aduana como tambe derechonan y debenan di biahero por wordo lesa riba e website www.douane.aw. Pa cualkier pregunta por tuma contacto libremente via di info@douane.aw.

Royal
Aurora
Funeral Home & Crematory



Mi ta stima Señor. E ta scucha mi suplicanan. E'la paga atencion, cada bez cu mi a invoc'E. Señor ta clemente y fiel, nos Dios, yen di compassion. Señor ta warda esnan cu ta debil. Mi tawata morto cansa, pero E'la salba mi. Awor mi ta calmo atrobe. Señor tawata bon pami.

Cu inmneso tristeza na nos curason, pero conforme cu Dios su boluntad, nos ta participa fayecimento di:

**Carmen Tomasa
Richardson-Trinidad**

Mihor conoci como 'Mama' of 'Tanti'
*07-03-1941 - †03-07-2018

Salmo 116

Acto di entierro lo wordo anuncia despues

AD PATRES
funeral home
Ta participa fayecimento

Van Rensselaerstraat 2
Tel. 584-2299 - 7372299
Family owned and operated
Since 1997



"If a man dies, can he live again?
I will wait all the days of my compulsory service
Until my relief comes.
You will call, and I will answer you.
You will long for the work of your hands."
Job 14: 14, 15

With deep sadness we announce the passing away of:

**Gloria Odelie
Illidge**

*26 June 1937- †3 July 2018

Childeren

* Roberto Clark
Hyacinthia (Cynthia) Clark & Children

Grandchildren

Shanika Clark
Eugenie Clark
Amy Clark

Sisters

Claire Peterson and Family (St Maarten)
Marianne Illidge and Family (St Maarten)
Yvonne Illidge and Family (St Maarten)
Justine & Ralph Baly and Family (Texas, USA)

All families of her belated Brothers; Justin and Edmond Illidge

Father of her children.
Wilfred Clark & Family

Friends and family; Nivola Mulrain and family, Gaby Illidge and family, Raphael Thomas and family, Peterson, Clark, Connor, Gumbs, Family Helmijs. Good friends; Silvia James and family, Raul Alleyne and family Jacky Richardson and family, The family Janga, Haynes, Craigg . Stanley & Ingrid Kemp, Hubert and Lena Margarita, Angel Loefstop, Toribio Vrolijk & Family. All spiritual brothers and sisters of the Congregation of Jehovah's Witnesses. And others too numerous to mention.

The funeral will take place on Saturday 07 July 2018 at 3:00 pm at Salon di Reino di Testigo di Jehova na Macuarima and from there to the Central Burial Ground in Sabana Basora. The body of Gloria will be laid out from 1:00 pm at Salon and from 11:00 am to 12:15 pm at Ad Patres Funeral Home.



Ruben
Trapenberg

"Nos paso den e mundo aki ta temporario, ban corda esnan cu a bay laga nos cu cariño y warda den nos memoria e imagennan di tur e momentonan felis cu nos a pasa cu nan".

Minister di Transporte, Comunicacion y Sector Primario, Sr. Chris Romero, ta extende su sentido condolencia na famia, amigonan, coleganan y pueblo di Aruba, pa cu perdida fisico di **Sr. Ruben Trapenberg.**

Na bida un gran talento den medianan di comunicacion y musica, cu semper a caracteriza pa su gran profesionalismo.

Acto funeral lo tuma luga
Diasabra 7 di Juli, 2018
di 5'or di atardi pa 9'or di anochi
na Aurora Funeral Home

Cu **Ruben Traxx** sosega na paz.



Chris Romero
MINISTER DI TRANSPORTE,
COMUNICACION Y SECTOR PRIMARIO



Gobierno di Aruba



Telearuba ta participa fayecimento di nos colega:
RUBEN TRAPENBERG



News Anchor/Reporter

Acto di entierro lo tuma lugar diasabra dia 7 di juli 2018
di 5 pm pa 9 pm na Aurora Funeral Home,
despues ta sigui cu cremacion den seno familiar.

Gerencia, Staf y Personal di Telearuba ta extende palabranan di condolencia na su esposa Marian, su yiunan Stacey Ann, Ann Marie y demas famia.



It's Hard to Forget
Someone who gave so
Much to Remember...

The Lord invited
**Donald
(Donny)
Oduber**
in his Kingdom

Donny a Gentleman, Loving Husband & Wonderful
Father, Grandfather, Uncle, Brother & Friend
We Will Love You Forever, You'll Always Live in our
Hearts

Na number di su:

Esposa: Diana Oduber-Wever
Yiunan: Arlette Oduber & Geoffrey Banfield
Veronique Oduber
Charlotte & Ludwich Samson
Joseline Oduber & Kevin Kock
Nietonan: Don Giorgio Leer & Johanna
Eduardo Oduber
Kyra Bisslik & Roy
Julie Bisslik
Ethan Samson
Ian Samson
Ciarra Samson
Kevin Kock Jr.
Zilha Kock

Bisanietonan: Dasslynn, Jayhnuar & Jazzlynn
Mane yiu: Athenee Mastragelo & Family
Tzaithele Oduber & Jennifer Gopal
Yentl Oduber
Jovanny de Silva de Freitas & Family

Rumannan:

†Eric & Gala Oduber-Harms & Family
Oscar & Gloria Oduber & Family
Gerald Oduber & Amparo & Family
Alix & †Antonio Nucete & Family
Glenda & John Chemaly & Family
Dennis & Vera Oduber-Kock & Family
Michael & Luz Dary Oduber & Family
Eslina & Ernie Hilgers & Family
Swa & Cuna:

Jopie Wever & Julie Alcazar & Family
Serapio "Laty" & Vivian Wever & Family
†Linda & Sjeff Klijn & Family
Oswaldo & Judith Wever & Family
†Orlando & Mariela Wever & Family
Sophie & Jossy Semeleer & Family
Joyce Wever
Ramon Wever

Shirley Wever & Edwin Sanders & Family
Norma & Luis Koolman & Family
Kenneth & Evelyn Wever & Family
David & Jenny Wever & Family

Mirjam Abrahams & Jeroen Pierewijer
Bon Amigo: Mirna & Eric Quast & Family
di cas Chima & Nuris
Ligia & Gerrit Daal & Family
Evy & Danielle
Ina, Rosenda & Vanessa

Dokter di :Dr. K. Cayama
Cas & Bon Amigo

Y Demas Famia & Conocirnan:

Oduber, Roos, Wever, Banfield, Leer, Bisslik, Samson,
Kock, Harms, Nucete, Chemaly, Hilgers, Klijn, Donata,
Semeleer, Koolman, Croes, Abrahams, De Silva de
Freitas, Mastrangelo, Vergara

Disculpanos si den caso di nos tristesa nos por a
lubida un hende.

Ta invita pa asisti na acto di cremación cu lo tuma
lugar diasabra 7 di juli 2018 for di 9or pa 11or di
mainta na Royal Funeral Home.

Oportunidad pa condolencia lo ta diabierna 6 di juli
2018 for di 7or pa 9or di anochi na Royal Funeral
Home.



Lo E seka tur
lágrima for di nan
wowo, I morto lo
no eksisti mas: lo
no tin nada di
rou, nada di
yoramento, nada
di dolo mas,
pasobra tur kos di
antes a pasa bai.

Rev. 21:4

Cu inmenso tristesa na nos curason, nos ta
anuncia fayecimento di:

Sofia Esperanza Dabian-Tapias

*30-09-1946 - †30-06-2018

Na number di su:

Esposo: Felix Dabian
Yiunan: Yaneth Tapias & famia
Ernesto Dabian & famia
Ruby Hernandez & famia
Neidilia Dabian & famia
Wilbert Dabian & famia
Elizabeth franken & famia
Norrene Dabian & famia

Yiunan di crianza:

Stanley Dabian & famia
Richard Dabian
Melvin Dabian & famia
Jaqueline v/d Linden & famia
Henry Dabian & famia

Rumannan:

Oneida Rasmijn & famia
Nubia Tapias & famia
Lila Brandt & famia
Fran Tapias & famia
Luis Tapias & famia
Jaqueline Aburto & famia
Mario Tapias & famia
Alex Tapias & famia

Tata di su yiunan: Fernando Vieco

Swa & Cuñanan:

Miro Dabian & famia
Romy Dabian
Haime Dabian & famia
†Aleo Dabian & famia
†Freddy Dabian & famia
Rona Dabian
Mariska Dabian & famia
Norma Lampe & famia
Chichi Croeze & famia
Giovanni Dabian & famia

Tur nieto & nietanan, bisanieto &
bisanietan, sobrino & sobrinanan

Demas famia: Tapias, Dabian, Aburto,
Brandt, Hernandez, Dijkhoff, Bomba,
Franken, v/d Linden, Makaya, Rasmijn,
Richardson, Montilla, Croeze, Villa, Lacle,
Rosel, Henriquez, Geerman, Maduro

**Ta invita pa acto di entierro cual lo tuma
lugar na Aurora Funeral Home diabierna 6
di juli 2018 di 2or pa 4or di atardi. Despues
lo sali pa Santana Central Sabana Basora.**

**Condolencia lo tuma lugar na Aurora
Funeral Home diahuebs 5 di juli 2018 di
7or pa 9or di anochi.**

**Nos disculpa si nos por a lubida algun
persona den nos momento di tristesa.**



Van Rensselaerstraat 2
Tel. 584-2299 - 7372299
Family owned and operated
Since 1997



Salmo 23

Señor ta mi wardado, lo mi
no tin falta di nada. Den
cunucu di yerba berde E ta
ponemi sosega.

Cu inmenso tristesa na nos
curason, pero conforme cu
Dios su boluntad, nos ta
participa fayecimento di:

Adriana Beatrix Ponson-Rasmijn

Cariñosamente yama: 'Betty'
* 02-09-1941 † 03-07-2018

Na number di su:

Esposo: Hubert Ponson
Yiunan: Anushka Ponson y Edwin Tromp
Lubienshka y Henk Möhlmann-Ponson
Yuri Ponson y Jennifer Chung
Nietanan y nieto: Stephanie Richardson-Ras, Kiziah
Ponson, Danique Möhlmann y Cédric Möhlmann
Rumannan: Robert F. y Karin Rasmijn
Harold y Maria-Angelica (Lica) Rasmijn
Francisco (Oscar) Rasmijn
† Maria da Silva
Gloria (Margriet) y Daniel Cordeiro
Claudette da Silva
† Manual V. da Silva
Magdalene Bernadine y August Albertus
Swa y cuñanan: Selvia M. y † Mario (Joy) Bergen
† Ronald y † Rosalba Ponson
Charlie Ponson
Sandra y Jossy Brokke
Robert y Mary Ponson
Aida y Camilo Muyale
Roley (Skiet) Ponson
Ingrid y Carlos Stamper

**Sobrino y sobrinanan, ihanan, primo y primanan,
amigo y amiganan di cas, ex coleganan, comer y
compnernan.**

Famianan: Ponson, Rasmijn, da Silva, Möhlmann, Ras,
Croes, Dirks, Perrotte, Solognier, Geerman, Boekhoudt,
Borrego, Cordeiro, Hasham, Albertus, de Cuba, Bergen,
Brokke, Muyale, Stamper, Schwengle, Tromp, Chung,
Orman.

**Nos disculpa si nos por a lubida algun famia den nos
momento di tristesa.**

**Acto di entierro ta tuma lugar Dialuna 09 di Juli 2018
pa 4or di atardi na Misa Santa Teresita na San
Nicolas y despues saliendo pa Santana Catolico na
San Nicolas. Nos defunto stima lo ta reposa for di 2or
di atardi na Misa.**

**Adres pa condolencia: Ad Patres Funeral Home
diasabra 07 juli 2018 for di
7:00 pm pa 9:00 pm**

Nos ta lamenta cu despues di entierro nos NO por ricibi
bishita di condolencia na cas.

Staff y personal di Ad Patres funeral home ta extende
nos mas sincero condolencia na famia di e fayecida.
Condolencia por wordomanda riba nos website:
adpatresnv@hotmail.com



**Si bo ta bebe
NO STUUR**





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 05 Jul 2018 Anochi

CATACHI
Sorteo # 6521
8283
7177
2661
BIG 4
Sorteo # 5565
6998
DFF
Sorteo # 270
9997
ZODIAC
Sorteo # 4324
8776
Capricornio
KORSOU
Sorteo # 2016
3335
4498
1759

LOTTO 5		
Sorteo #	Joker	Letter
0 x Jackpot		
0 x Match 4+		
0 x Match 4		
0 x Afl. 12,00		
420.000,-		

LOTTO IN DIA	
Sorteo # 4459	Proximo Jackpot
0 x Jackpot	
6 x Match 4	
133 x Afl. 8,00	
76.000,-	

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	
350.000,-	

MINI MEGA PLUS	
Afl. 450.000,-	



Bo cadena di number di suerte
ta presenta resultado di awe

DIARIO 2654-6569-2023

SUPER 4 5203

FLAMINGO 4404-5619-4365



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 05 Jul 2018 Merdia

CATACHI
Sorteo # 2259
1482
6996
5391
BIG 4
Sorteo # 2259
7899
DFF
Sorteo # 315
0845
ZODIAC
Sorteo # 2259
2082
Scorpio

LOTTO 5		
Sorteo #	Joker	Letter
0 x Jackpot		
0 x Match 4+		
0 x Match 4		
0 x Afl. 12,00		
420.000,-		

LOTTO IN DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	
73.000,-	

MINI MEGA	
Sorteo #	Mega Ball
0 x Jackpot	
0 x match 4	
0 x Afl. 500,00	
0 x Afl 50,00	
0 x Afl.15,00	
350.000,-	

MINI MEGA PLUS	
Afl. 450.000,-	



Aries

Bo ta comproba cu e miho actitud dilanti problemanan ta optimismo. Nos no ta liber di problemanan ya cu bida ta precisamente esey. Busca bo balansa. Pa bo por ta feliz. Numbernan pa awe: 8, 15, 22 y 30.



Tauro

No saca conclusionnan prematuramente. Warda, scucha y rasona. E influencia di luna lo contribui pa bo estabilisa bo reaccionnan y sinti mas den harmonia cu bo mes. Numbernan pa awe: 4, 11, 21 y 44.



Geminis

Adapta bo mes na circunstancianan y tur cos lo bay miho den tur loke bo haci. Awe evita ta memey di situacionnan bergonsoso. Numbernan pa awe: 4, 18, 21 y 33.



Cancer

Un periodo di inestabilidad? E bon nobo ta cu lo supera. E movimiento di bo dirigente, Luna ta subraya e importancia cu bo tin cu comprende loke wordo presenta den bo bida. Numbernan pa awe: 9, 16, 25 y 32



Leo

E manera cu bo ta reacciona riba cierto situacionnan inespera dentro di bo paisahe sentimental ta pone bo riba un caminda diferente, mas rasonabel. Numbernan pa awe: 14, 26, 30 y 48.



Virgo

Un hende hopi special pa bo lo bay eherce un toke fascinante den bo bida. Exito ta warda bo den un proyecto cu lo bay completa den e proximo dianan. Numbernan pa awe: 16, 27, 31 y 48.



Libra

Situacionnan incomprendibel awo tin nan definicion. Amor mester wordo traha cu palabra, gesto y intencion, pero si bo no bisa nada, bo ta perdiendo bo chens. Numbernan pa awe: 1, 13, 29 y 36.



Scorpio

Bo naturalidad lo ta e clave cu lo yuda bo gana amigo y amor. Actua naturalmente y tur cos lo sali bon den e ultimo dianan aki. Un actitud serena lo cumbini bo. Numbernan pa awe: 8, 19, 27 y 38.



Sagittario

Bo ritmo di pensamiento ta innova y fresco. Bo tin un onda di hopi energia rond di bo, asina ta aplica e situacionnan cu ta presentando constantemente den bo bida. Numbernan pa awe: 6, 16, 27 y 34.



Capricornio

Luna ta den un signo di hopi movimiento. Move y socialisa bo mes mas. Un placa lo bay tarda. Asina ta tranquilo pasobra aunke e no yega awo, pronto lo bo tin esey. Numbernan pa awe: 17, 23, 24 y 35.



Aquario

No laga bo entusiasmo den ningun momento cay. Eyden bo tin e éxito. Den amor, biba e relacion cu un toke di fantasia cu awo bo tin den bo man. Numbernan pa awe: 4, 13, 24 y 39.



Pisces

Cuminsa prepara bo mes pa otro luna. Bo ta na drepel di un actitud nobo cu lo yuda bo defini situacionnan. Refresca bo imagen y bo manera di actua. Numbernan pa awe: 18, 22, 31 y 48.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende

Muhe den dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Ned Rode Kruis

Perdo Gallegostraat 14 Aruba
297-588-3376

Famia Planea (SBVO)

Avenida Milio J Croes 17 B Aruba
297-588-9591

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

A1 Taxi Services Aruba

Italietraat 50 lokaal 7
Tel: 587-8850
Tel: 280-2828

Whatsapp: 592-7024
E-mail: a1taxiservices.aruba@hotmail.com

Mobility Equipment Hire

Tel: 568 5165

Dokter na warda



Oranjestad
Dr. Trikt
Tel. 582 2991

San Nicolas
Dr. Giel
Tel. 584 5155

Botica na warda

Oranjestad:
Eagle Tel. 587 9011

San Nicolas
Aloe Tel. 584 4606

SERVICIO DI TAXI

Aruba Transfer Tour & Taxi C.A.

Pos Abao #41
P.O.Box 723 Aruba
Tel: 582-2116 / 582-2010
Fax: 583-6988
Taxi Adres Service (24h)
L.G. Smith Blvd. #234
Oranjestad Aruba
Tel: 587-5900
Fax: 587-1928
E-Mail: tas@setarnet.aw



Schedule juli 2018

			AME	DEPT	MENTH
MON	02	CARNIVAL SUNSHINE	13.00	22.00	C
		FREEWINDS	06.00	****	E
TUE	03	DISNEY FANTASY	08.15	18.00	C
WED	04	MONARCH	08.00	15.30	B
		FREEDOM OF THE SEAS	07.00	23.00	C
THU	05	CARNIVAL VISTA	08:00	16:00	C
		MS INSIGNIA	10.00	20.00	B
SUN	08	FREEWINDS - DEPT.	****	23.15	E
WED	11	MONARCH	08.00	15.30	B
		FREEDOM OF THE SEAS	07.00	23.00	C
		FREEWINDS	06.00	****	E

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

Centrale Bank van Aruba
Daily Exchange Rates - 07/05/2018



CENTRALE BANK VAN ARUBA

Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.33	1.35	1.37
CHF	179.38	180.10	180.90
GBP	2.29	2.34	2.40
JPY	159.55	161.01	162.62
EUR	206.49	208.37	210.47
DKK	26.99	27.71	28.51
NOK	21.07	21.79	22.59
SEK	19.38	20.10	20.90

For amounts up to Afl. 100,000

Universidad di Aruba: Programa nobo di MBA di 2 aña

ORANJESTAD - Universidad di Aruba (UA) a anuncia cu nan lo ofrece programa di MBA, cual lo dura 2 aña.

E programa aki ta diseña pa individuonan cu tin un 'full time' job y cu ta desea di amplia nan habilidad den maneho. E programa, cual lo inicia dialuna, dia 3 di september, lo ta den dos parti. Den e prome aña lo duna dies vak y den e di dos aña ta rekeri pa completa un tesis.

E prome aña lo ofrece 8 vak obligatorio incluyendo; Human Resources, Philosophy of Research, Corporate Finance, Leadership and Ethics, Innovation and Entrepreneurship, Marketing and Social Media, Strategy and Organization, Research Design y tambe Methodology. Tambe lo tin e tres 'elective courses' cual ta Business Law, Digital Leadership and Transformation y Psychology

of Effective Communication. Studentenan lo mester scoged dos di e tres 'electives'.

E aña lo keda reparti den 5 semester separa den 2 luna cada uno, esaki ta september/october, november/december, januari/februari, maart/april y mei/juni. Durante cada semester lo duna dos vak den oranan di anochi sperando cu studentenan lo atende Universidad dos biaha pa siman durante cada semester.

E coordinador di e programa di MBA, James Hepple, ta un assistant professor den e facultad di Hospitality Management y Tourism Studies na Universidad di Aruba. E lo duna un di e vaknan cu otro docentenan incluyendo Simon Hudson, Scott Smith y Robin Dipietro, tur di Universidad di South Carolina. Tambe tin docentenan di Universidad di Aruba mes cual lo ta docente Don Taylor di International Business Law,

Economics, Finance and Accounting Law, Kimberly Greaux, docente di Business and Research Methodology, y Rosabelle Illes, docente di Psychology.

Universidad lo tene un open

house dialuna 9 di juli pa 6:30pm proveyendo mas informacion di e programa. E deadline pa registra ta 24 di juli 2018. Lo haci entrevista di 1 a 1 cu tur esunnan cu aplica permitiendone discusion detaya di tur implicacion di

cuminsamento di e programa di dos aña. Universidad lo notifica tur esunnan cu aplica si a acepta nan of no y lo haci esaki no mas tarda cu dia 15 di Augustus. E programa lo ta na Ingles y e tuition fee ta di 4.500.00 florin pa aña.



Grupo di oracion the Voice of Jesus



KOYARI - Grupo di oracion the Voice of Jesus ta invita henter pueblo di Aruba pa diasabra awor, dia 7 juli pa e Sto. Rosario, Bijbel y oracionnan y cantonan.

Esaki lo ta na Koyari pa 8.00 di anochi.

Pa e diasabra aki Vidente Val-

erie lo ta presente y e lo bay papia tocante di un topico hopi importante.

Tur diasabra tin bon topico y hopi interesante pa boso bida. Bini uno, bini tur.

P'esey un invitacion ta bay pa un y tur pa asisti sin falta na e anochi di oracion importante aki.

Congreso Hubenil titula: Tempo pa Cambio

SANTA CRUZ - Fundacion ADRA Aruba cu ta un Agencia Humanitario y Comunitario en conhuntto cu algun hobennan,

a dicidi e aña aki pa realisa un Congreso Hubenil titula: Tempo pa Cambio.

E lo ta un actividad cu lo abar-

ca temanan hubenil manera: Puppy Love, Sexting, Pornografia, Alcoholismo, Drogadicto, Descubriendo bo Identidad, Preparando pa Alcansa

Exito, Malesanan Venerico y varios otro temanan cu lo wordo presenta pa profesionan den e area.

Cuminsando dia 15 di juli pa 21 di juli; tur anochi di 5pm pa 9pm. Tur hoben di 14 aña en adelante ta invita pa por ta un participante y ricibi e informacionnan cu lo permiti nan conoce e miho manera pa por maneha situacion di bida. E temanan cu nos lo ta presentando ta a base di estadisticonan cu ta muestra cu nan ta esun mas relevante y necesario awendia.

Pa tur persona cu ta interesa den asisti e congreso aki, bo por compra bo ticket na bolor di 25 florin na un di e puntonan di benta cualnan ta: Pompstation di Citgo Boulevard y San Nicolaas, Aruba

Vision Center, CheckPoint Color. E compra di e carchi lo encera entrada pa henter e siman, un T-shirt y materialnan y entrada pa e concierto cu lo ta diasabra 21 pa 7or di anochi.

Tin un pagina cu despues di tin bo carchi compra, bo mester subi pa por registra bo participacion. E pagina ta: www.en3amigos.com. Nos ta spera cu cada mayor lo sa di motiva su yiu pa por asisti y di e mesun manera cada hoben, trece bo amigo, bisiaña, miembro di famia y cualkier persona pa por forma parti di e 1e Congreso Hubenil: Tempo pa Cambio.

Henter e congreso lo tuma luga na Centro Deportivo Libertador Betico Croes na Santa Cruz.



Prome minister Evelyn Wever-Croes:

Gobierno lo no kita hende di trabou y lo aplica otro forma pa baha gasto



di gobierno. E declaracion aki ta bin despues di un reunion publico pa asina splica loke cu gobierno di Aruba ta deliberando cu Hulanda.

“Despues cu CAft a anuncia cu Aruba mester baha gasto di personal cu 12 miyon florin, a bin hopi confusion y bastante rumor cu e gobierno aki lo bay kita un cantidad di ambtenaar for di trabou”, e prome minister ta bisa den un comunicado pa prensa.

Segun e comunicado, premier di Aruba a splica extensamente loke e plan financiero di gobierno ta encera. “Meta ta pa aña 2019 baha e deficit te pa yega na un -0.5 por ciento cu ta 25 miyon florin. Aña 2019 e mester bira un surplus di 25 miyon florin y e siguiente aña un surplus atrobe di 50 miyon.”

Di e manera aki, segun prome minister, poco poco Aruba lo sali for di e deficit y yega na un surplus aunke surplus riba su mes no ta e meta. E meta ta pa baha e debe nacional cu actualmente ta casi 90 por ciento y esaki ta stroba e pais su estabilidad economico y financiero. Segun e plan di gobierno di Aruba, lo baha e debe na 70 por ciento na aña 2027. Na aña 2039 e debe lo wordo baha te cu 50 por ciento.

Prome minister a trata e punto di supervision di CAft tambe den e reunion den

parlamento indicando cu probablemente CAft lo keda mas o menos 3 aña mas na Aruba mientras cu Aruba mes lo cuminsa mesora cu su propio Begrotingskamer pa asina nan haya confiansa y gana experiencia. Una bes cu CAft bay, Aruba por conta cu su propio organo di supervision cu suficiente estabilidad y conocimiento, e comunicado ta splica.

Tocante gastonan di personal, prome minister a indica cu pa logra nos plan pa baha e deficit y e debe na 50 por ciento aki 21 aña, aña 2039, awe Aruba mester tuma e decisionnan necesario. E mandatario principal di nos pais a enfatisa cu gobierno di Aruba lo no bay kita hende for di trabou y lo no bay mishi cu e derechonnan existente di esunnan trahando. No lo mishi cu ‘vakantie uitkering’, cu bonus y premienan. Gobierno lo aplica otro formanan pa atende cu e tema aki den termino corto.

“Esaki tawata un bon reunion cu hopi bon aporte. Parlamentarionan di tanto coalicion y oposicion tawata tin bon sugerencianan cual ami ta considera un hopi bon reunion pa wak cu parlamento ta bin hunto y realiza cu nos mester haci algo pa mehoracion di nos pais”, prome minister Evelyn Wever-Croes a duna di conoce den e comunicado.

ORANJESTAD – Segun prome minister di Aruba Evelyn Wever-Croes (MEP), Aruba awo ta conta cu un parlamento serio y critico cu kier ta bon informa y na haltura di tur loke ta pasa den maneho

Banco Central di Aruba: Control di emergencia di ENNIA no ta aplicabel pa Aruba

ORANJESTAD – Desde 4 di juli cu a pasa, Corte di Prome Instancia na Corsou a tuma decision cu control di emergencia (noodregeling) ta aplicabel pa e compania ENNIA. Esaki a bin abase di peticion cu a drenta for Banco Central di Corsou y Sint Maarten. Banco Central di Aruba (BCA) ta aclaria cu e decision di corte aki no ta aplicabel pa Aruba.

Segun un comunicado di BCA cu Bon Dia Aruba a ricibi, e control di emergencia ta aplicabel riba e companianan estableci na Corsou, esta, ENNIA Caribe Leven N.V., ENNIA Caribe Schade N.V., ENNIA Caribe Zorg N.V., EC Investments B.V., y ENNIA Caribe Holding N.V. (despues yama conhuntamente: ENNIA Corsou).



Continuacion riba Pagina 31

Caribbean Cinemas **MEGAPLEX 8**
 caribbeancinemas.com Caribbean Cinemas Aruba

JULY 5 - 11

<p>ANTMAN AND THE WASP PAUL RUDD EVANGELINE LILLY WITH SPANISH SUBTITLES CXC PREMIUM LARGE FORMAT AUDITORIUM 2D MON-FRI 4:15 6:50 9:25 SAT, SUN & HOL 1:45 4:15 6:50 9:25 MON-FRI 5:15 7:50 SAT, SUN & HOL 2:40 5:15 7:50</p>	<p>THE FIRST PURGE Y'LAN NOEL MARISA TOMEI MONTHURS 4:55 7:15 9:35 FRI 4:55 7:15 9:35 11:55 SAT 2:35 4:55 7:15 9:35 11:55 SUN & HOL 2:35 4:55 7:15 9:35</p>
<p>UNCLE DREW KYRIE IRVING LIL REL HOWERY WITH SPANISH SUBTITLES MONTHURS 4:50 7:10 9:30 FRI 4:50 7:10 9:30 11:50 SAT 2:30 4:50 7:10 9:30 11:50 SUN & HOL 2:30 4:50 7:10 9:30</p>	<p>JURASSIC WORLD JEFF GOLDBLUM CHRIS PRATT WITH SPANISH SUBTITLES MONTHURS & SUN 3:45 6:25 7:20 9:10 FRI & SAT 3:45 6:25 7:20 9:10 10:00</p>
<p>INCREDIBLES 2 SAMUEL L. JACKSON CRAIG T. NELSON WITH SPANISH SUBTITLES MONTHURS 4:40 5:05 7:45 FRI 4:40 5:05 7:45 10:25 SAT 2:00 2:25 4:40 5:05 7:45 10:25 SUN & HOL 2:00 2:25 4:40 5:05 7:45</p>	<p>OCEAN'S 8 SANDRA BULLOCK CATE BLANCHETT WITH SPANISH SUBTITLES MONTHURS 4:30 6:55 9:20 FRI 4:30 6:55 9:20 11:45 SAT 2:05 4:30 6:55 9:20 11:45 SUN & HOL 2:05 4:30 6:55 9:20</p>

STARTING JULY 12: SKYSCRAPER & HOTEL TRANSYLVANIA 3: SUMMER VACATION

Palm Beach Plaza Aruba | 586.0074 THE MAGIC OF THE MOVIES ON YOUR MOBILE DEVICE

*Continuacion di
Pagina 30*

E comunicado ta sigui splica cu e companianan estableci na Aruba, esta ENNIA Caribe Leven (Aruba) N.V. y ENNIA Caribe Schade (Aruba) N.V. (despues yama conhuntamente: ENNIA Aruba), y Banco di Caribe (Aruba) N.V. (BdCA) ta forma parti di e grupo di ENNIA. Sin embargo, ENNIA Aruba y BdCA ta instancianan Arubano cu ta huridicamente independiente y cu tin nan mesun propiedadnan, inversionnan, y capital.

“E control di emergencia cu por medio di e decision di Corte den Prome Instancia di Corsou a wordo declara aplicabel riba ENNIA Corsou no ta aplicabel ni riba ENNIA Aruba ni riba BdCA. Aunke BCA no por duna informacion tocante ENNIA Aruba y BdCA, basa riba su deber di confidencialidad, BCA ta haya importante pa informa e publico cu BCA ta vigila den un forma estricto e cumplimiento continuo di e ley- y regulacionnan vigente di e institucionnan bou di su supervision y ta sigui di cerca e desaroyonan encuanto ENNIA Corsou”, BCA ta bisa den su comunicado.

BCA tin diferente instrumento na su disposicion, basa riba e legislacion di supervision vigente, cu e por aplica na momento cu e ta constata cu un institucion bou di su supervision no ta cumpli cu e ley- y regulacionnan vigente, segun e comunicado.

“BCA ta enfatisa cu e lo aplica e instrumentonan legal cu e tin na su disposicion si e situacion ta exigí esaki, cu e obhetivo pa sigui salvaguardia e interesnan di aseguradonan y depositornan.”



Weekly **SPECIAL**

SAVE \$2.00

Apple Gala 3lb

\$5.99

Per Bag

SPECIAL OFFER

SAVE \$1.00

Cantaloupe

\$3.99

Each

SPECIAL OFFER

SAVE \$1.00

Pineapple

\$3.99

Each

SPECIAL OFFER

SAVE \$1.80

1KG

Chicken Wings

\$5.99

Per KG

SAVE \$0.64

Beef Ravioli Mini 15oz

\$1.25

Each

SPECIAL OFFER

Semi Skimmed Milk 1L

\$2.49

Each

SAVE \$40.00

Channel Lock Vacuum 2.5G

\$99.99

Each

Crinkle Fries 32oz

\$5.99

Each

Gallo White Zinfandel 1.5L

\$19.99

Each

SPECIAL OFFER

Bleach Regular 3.57L

\$6.49

Each

SPECIAL OFFER

Listerine Ultra Clean 1.5L

\$12.89

Each

24X

Precio Especial

Rosal Toilet Tissue 24 Rolls

\$19.99

Each

SAVE \$7.00

*Promocion ta valido entre 6 - 12 juli 2018 y tanten cu tin den stock

THANKS FOR SHOPPING LOCAL.

CEDE Aruba a cera convenio cu gobierno y Samenwerkende Fondsen



ORANJESTAD - Ayera CEDE Aruba a cera convenio cu gobierno di Aruba y Samenwerkende Fondsen. Esaki tabata un dia historico pa CEDE Aruba y tur e fundacionnan cu ta trece iniciativa nobo ariba tereno social.

Riba e dia historico aki CEDE Aruba ta consolida e cooperacion cu gobierno di Aruba y cu Samenwerkende fondsen Caribisch Deel van het Koninkrijk di Hulanda na bienestar di nos fundacionnan y pueblo di Aruba en general. Cu e convenio aki, gobierno ta percura cu CEDE Aruba, despues di un debido evaluacion, por aloca e fondonan na fundacionnan cu tin proyectonan pa fortifica bienestar di nos hendenan riba tereno social.

Gobierno ta reconoce e papel importante cu iniciativa priva tin den desaroyo di

sector social den nos comunidad. Sin e esfuersonan y logronan di e gran cantidad di fundacionnan cu ta traha incansabel riba e tereno social riba nos isla, Aruba lo no ta caminda nos ta awe. Esaki ta segun e comunicado cu nos a ricibi.

Aunke Aruba ainda tin masha hopi reto ariba tereno social, fundacionnan diariamente ta contribui na ayudo y actividadnan pa nos grandinan, pa nos muchanan, mayornan y personanan cu limitacion. Fundacionnan a tuma iniciativa pa lanta internaat, ayudo pa victimanan di violencia, ayudo pa mamanan jong, screening y sosten na famianan vulnerabel, cuida di baby y anciano na cas, rehabilitacion di hende cu adiccion, actividadnan recreativo y deportivo den bario y hopi mas. Hopi di e iniciativanan a cuminsa y a ser haci posibel dor di fondonan di CEDE

Aruba y Samenwerkende Fondsen.

Samenwerkende Fondsen, ta traha na bienestar di henter Reino, tambe ta forma parti di e convenio y ta consolida e cooperacion cu CEDE Aruba. Samenwerkende Fondsen ta consisti di 6 fondo Hulandes: Kansfonds, Oranje Fonds, Stichting Kinderpostzegels, Fonds Sluyterman van Loo, Innovatiefonds Zorgverzekeraars y Roomsche Catholijk Oude Armen Kantoor (RCOAK). Pa cada 1 florin cu CEDE Aruba ta hinca den un proyecto cu a ser aproba, Samenwerkende Fondsen na su turno ta pone 1 of mas florin despues cu nan tambe duna nan aprobacion na e proyecto segun nan maneho. Asina ambos partido ta contribui na bienestar di nos isla y ta reconoce e conocimiento y experiencia cu CEDE Aruba a desaroya durante tur e añanan.

CEDE Aruba ta un fondo di desaroyo cu ta existi for di 1980. Akinan ta desea di duna un reconocimiento special na Jan Meelis, fundado di CEDE Aruba. Durante e prome 20 aña di su existencia, CEDE Aruba a ricibi fondonan di gobierno Hulandes. Den e periodo di 2001 te cu 2010, CEDE Aruba a cuminsa ricibi fondo pa medio di Fondo di Desaroyo di Aruba, a base di un acuerdo entre e gobiernonan di Aruba y Hulanda. Desde 2011, gobierno di Aruba a sigui percura pa financiamiento di CEDE Aruba. CEDE Aruba y Samenwerkende Fondsen ta contribui cu un promedio di 2,8 miyon florin na proyectonan den nos comunidad y e montante aki lo sigui crece. Cu e convenio nobo aki, e cooperacion a haya un perspectiva nobo.

E convenio cu a ser firma ta

regla e contribucion financiero di gobierno y Samenwerkende Fondsen na iniciativa priva traves di CEDE Aruba y e responsabilidadnan di CEDE Aruba, cu ta entre otro: un bon gobernacion, un bon administracion financiero y un posicion independiente di politica, religion y interes comercial. E protocol ta valido pa un periodo di 5 aña. E firmamento di e convenio a tuma lugar dor di e miembronan di directiva di CEDE Aruba y Gobierno di Aruba, representa pa Minister di Asunto Social y Labor, Sr. Glenbert Croes y Minister di Finanzas, Economia y Cultura ad interim, Sra. mr. Evelyne Wever-Croes y Samenwerkende Fondsen, representa pa Sra. Drs. Henriette Hulsebosch y Sr. Drs. Peter Douwes.

Directiva di CEDE Aruba ta gradici Gobierno di Aruba y Samenwerkende Fondsen pa nan confiansa y cooperacion durante tur e añanan y cu a haci posibel pa realisa e etapa nobo aki na vanguardia di sector social. E directiva di CEDE Aruba ta consisti di Sr. Amy Lasten (presidente), Sr. Leonardo Reyes (tesorero), Sra. Merl- Serrant-Gibbs (secretaria saliente), Sra. Georgine Arends (tesorero saliente), Sra. Estella Brown-Thode (miembro), Sra. Sheila van Veen (miembro), Sr. Fredis Refunjol (miembro) y Sr. Igmarr Reyes (miembro). Bureau di CEDE Aruba tabata representa pa Sr. Daniel Tecklenborg (Director) y Sr. Bryan Krosendijk (Coordinador di Proyecto). Tambe tabata presente Sra. Diet-Booi Staring (prome director di CEDE Aruba).

